

T9299/2914

6

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
NOV 30 1940

喻林卷二十四

哈佛大學漢和  
圖書館珍藏印

宣城華陽徐元太汝賢父編輯

猶子徐胥慶無猜父校

徐朋慶壽如父閱

人事門 二十二

分量

蒼蔚之小雲朝升於南山不能為大雨鄭氏箋詩侯人

泉之大者則流行無窮小者有時而虛竭毛詩正義抑

部婁無松栢左傳襄公二十四年

子夏子游子張皆有聖人之一體冉牛閔子顏淵則

具體而微孟子公孫丑上

智譬猶人之有技巧也可學而益之聖譬猶力之有

多少自有極限不可強增趙氏註孟萬章下

隨廝養之役者失萬乘之權守儋石之儲者闕卿相

之位史記淮陰侯傳

駑蹇之乘不騁千里之塗燕雀之疇不奮六翮之用

柰稅之材不荷棟梁之任斗筭之子不乘帝王之重

前漢書敘傳上

蘭粟犢豈能負重致遠乎後漢書趙憲列傳

枳棘之林無梁柱之質涓流之水無洪波之勢魏志王脩

傳討

駑馬雖精所致一人耳駑牛一日行三百里所致豈

一人之重哉蜀志龐統傳註

山河之量非塵露可益神鑿之慮非愚淺所測晉書虞預

傳

鷗鴻翻翥而莫及何但鷲雀之翩翹宋書謝靈運傳

駘駟安局步騏驎志千里宋書索虜傳

列草深岫不改先冬之悴植松澗底無奪後凋之榮

故展禽三黜而無下愚之譽千秋一時而無上智之

聲南齊書劉祥傳

命木人事二日分量

斯固龍象之騰。驤鯤鵬之搏。運蹇乘決。羽豈能缺。望其間哉。陳書傳 絳傳

非珪璋之特達。詎芳菲之易襲。未砥礪以自進。寧琢磨而成章。魏書李順希 仁弟騫傳

弊箠不能救鹽池之鹹。阿膠不能止黃河之濁。周書 庾信 魏書李順希 仁弟騫傳

九鼎之譬鴻毛。未喻輕重。培塿之方嵩岱。曾何等級。隋書楊玄 感史臣傳

佛日也。道月也。儒五星也。北史李孝 伯士謙傳

察於刀筆之迹者。不知治亂之本。習於行陣之事者。不知廟戰之權。文子 微明

夫子軫方而轂圓者也。將無乎而不可。我則有所可也。子華子 虎會問

夫指之不能率其臂。猶臂之不能運其體也。子華子 晏子

若龍若蛟。若蛇若龜。若魚若蛤。龍皆能之。蛟蛟而已。不能為龍。亦不能為蛇。為龜為魚為蛤。聖人龍之。賢人蛟之。關尹子 三極

天下之理。夫者倡。婦者隨。牡者馳。牝者逐。雄者鳴。雌者應。是以聖人制言行。而賢人拘之。關尹子 三極篇

喻木人事 卷二十四 分量 三

且夫水之積也不厚則負大舟也無力覆杯水於坳堂之上則芥為之舟置杯焉則膠水淺而舟大也風之積也不厚則其負大翼也無力故九萬里則風斯在下矣而後乃今培風背負青天而莫之夭闕者而後乃今將圖南蜩與鸞鳩笑之曰我決起而飛捨榆枋時則不至而控於地而已矣奚以之九萬里而南為適莽蒼者三餐而反腹猶果然適百里者宿舂糧適千里者三月聚糧莊子逍遙遊窮髮之北有溟海者天池也有魚焉其廣數千里未有知其修者其名為鯤有鳥焉其名為鵬背若泰山

翼若垂天之雲搏扶搖羊角而上者九萬里絕雲氣負青天然後圖南且適南溟也斥鴳笑之曰彼且奚適也我騰躍而上不過數仞而下鷦翔蓬蒿之間此亦飛之至也而彼且奚適也此小大之辨也故夫知効一官行比一鄉德合一君而徵一國者其自視也亦若此矣莊子逍遙遊

日月出矣而燭火不息其於光也不亦難乎時雨降矣而猶浸灌其於澤也不亦勞乎莊子逍遙遊

井鼃不可以語於海者拘於虛也夏蟲不可以語於水者篤於時也曲士不可以語於道者束於教也莊子

秋水

褚小者不可以懷大。綆短者不可以汲深。夫若是者

以為命有所成而形有所適也。夫不可損益莊子至樂

小夫之知不離苞苴竿牘。敝精神乎蹇淺莊子列禦寇

今休歎啓寡聞之民也。吾告以至人之德。譬之若載

颺以車馬。樂鳩以鐘鼓也。彼又惡能無驚乎哉。莊子達生

夫尋常之溝。巨魚無所還其體。而鯢鱖為之制。步仞

之丘陵。巨獸無所隱其軀。而夔狐為之祥。莊子庚桑楚

短綆不可以級深井之泉。知不幾者不可與及。聖人

之言荀子榮辱

是規磨之說也。溝中之瘠也。則未足與及。王者之制

也。語曰：淺不足與測深。愚不足以謀知。坎井之鼃。不

可與語東海之樂。此之謂也。荀子正論

夫世愚學之人。比有術之士也。猶塏埴之比大陵也。

其相去遠矣。韓非子和氏

吾已見孔子。則視子猶蚤蝨之細者也。韓非子說林上

地薄者大木不產。水淺者大魚不遊。樹禿者大禽不

棲。林疎者大獸不居。黃石公素書安履

不至則不知。不知則不信。無骨者不可令知。冰呂氏春秋

任數

劉子觀量  
篇五以此略同

今使燕爵為鴻鵠鳳凰慮則必不得矣其所求者瓦  
 之間隙屋之翳蔚也與一舉則有千里之志德不盛  
 義不大則不止其郊卑痺之民其為賢者慮亦猶此  
 也固妄誹訾豈不悲哉呂氏春秋長利  
 鉏耰棘矜不銛於鈎戟長鍛也賈子過秦上  
 夫臨江而釣曠日而不能盈羅雖有鈎箴芒距微綸  
 芳餌加之以詹何媚嫖之數猶不能與網罟爭得也  
 射者扞烏號之弓彎綦衛之箭重之羿逢蒙子之巧  
 以要飛鳥猶不能與羅者競多何則以所持之小也  
 張天下以為之籠因江海以為之罟又何亾魚失鳥

之有乎夫釋大道而任小數無以異於使蠚捕鼠蟾  
 蝓捕蚤不足以禁奸塞邪亂乃逾滋淮南子原道訓

凍者假兼衣於春而暍者望冷風於秋夫有病於內  
 者必有色於外矣夫櫟木色青翳而羸瘡蝟眈此皆  
 治目之藥也人無故求此物者必有蔽其明者聖人  
 之所以駭天下者真人未嘗過焉賢人之所以矯世  
 俗者聖人未嘗觀焉淮南子倣真訓

夫牛蹠之涔無尺之鯉塊阜之山無丈之材所以然  
 者何也皆其營宇狹小而不能容巨大也又况乎以  
 無裏之者邪此其為山淵之勢亦遠矣淮南子倣真訓

交拱之木無把之枝尋常之溝無吞舟之魚根淺則未短本傷則枝枯淮南子繆稱訓

受光於隙照一隅受光於牖照北壁受光於戶照室中無遺物况受光於宇宙乎天下莫不藉明於其前

矣由此觀之所受者小則所見者淺所受者大則所

照者博淮南子說山訓

宮池涔則溢旱則涸江水之原淵泉不能竭淮南子說林訓

短綆不可以汲深器小不可以盛大非其任也淮南子說

林訓

十頃之陂可以灌四十頃而一頃之陂可以灌四頃

大小之衰然淮南子說林訓

見象牙乃知其大於牛見虎尾而知其大於狸一節

見而百節知也淮南子說林訓

矢之於十步貫兕甲及其極不能入魯縞淮南子說林訓

苟如子之方譬如以管窺天以錐刺地所窺者大所

見者小所刺者巨所中者少韓詩外傳

登高而臨深遠見之樂臺榭不若丘山所見高也平

原廣望博觀之樂沼池不如川澤所見博也韓詩外傳

山岳有饒然後百姓澹古瞻字焉河海有潤然後民取

足焉夫尋常之汗不能漑陂澤丘阜之木不能成宮



室小不能苞大。少不能澹多。鹽鐵論 貧富

宇宙之內。鸞雀不知天地之高也。坎井之鼃。不知江

海之大。窮夫否婦。不知國家之慮。負荷之商。不知猗

頓之富。鹽鐵論 復古

祿不過秉握者。不足以言治。家不滿擔石者。不足以

計事。鹽鐵論 地廣

宇小者用菲。功巨者用大。鹽鐵論 園池

夫短綆不可以汲深井。知鮮不可以與聖人之言。惠

士可與辨物。智士可與辨無方。聖人可與辨神明。夫

聖人之所為。非眾人之所及也。說苑 政理

建天下之鳴鐘。而撞之以挺。豈能發其聲乎哉。君問

先生。無乃猶以挺撞乎。說苑 善說

坎井無鼃。鼃者隘也。園中無修林者。小也。說苑 談叢

或問航不漿。衝不莽。有諸。曰。有之。或曰。大器固不周

於小乎。曰。斯械也。君子不械。揚子 君子

次八昏辰。利于月。小貞未及。星測曰。昏辰利。月尚可

願也。太玄經 第六昔

糠粃小生。學術虛淺。蔡中郎集 讓高陽侯

小馬不可以進道。致千里。故不得與夫馬同類。小知

不可以治世。長民。故不得與夫知同類。淮南子說 山訓解

才力而致富貴。命祿不能奉持。猶器之盈量。手之持重也。器受一升。以一升則平。受之如過一升。則滿溢也。手舉一鈞。以一鈞則平。舉之過一鈞。則躓仆矣。

王充  
論衡命祿篇

夫命富之人。筋力自彊。命貴之人。才智自高。若干里之馬。頭目蹄足。自相副也。

王充  
論衡命祿篇

富人之宅。以一丈之地為內。內中所有。桺匱所羸。縑布絲綿也。貧人之宅。亦以一丈為內。內中空虛。徒四壁立。故名曰貧。夫通人猶富人。不通者猶貧人也。俱以七尺為形。通人胸中懷百家之言。不通者空腹無

一牒之誦。貧人之內。徒四所壁立也。

王充  
論衡別通篇

夫壯士力多者。扛鼎揭旗。儒生力多者。博大疏通。故博大疏通。儒生之力也。舉重拔堅。壯士之力也。

王充  
論衡

效力  
篇

牛刀可以割雞。雞刀難以屠牛。刺繡之師。能縫帷裳。納縷之工。不能製錦。儒生能為文吏之事。文吏不能

立儒生之業。

王充  
論衡程材篇

富累千金。孰與貲直百十也。京廩如丘。孰與委聚如坻也。世名材為名器。器大者盈。物多然則儒生所懷

可謂多矣。

王充  
論衡程材篇

所知同業多少異量所道一途步騶相過王充論衡實知篇

地性生草山性生木如地種葵韭山樹棗栗名曰美

園茂林不復與一恒地庸山比矣文吏儒生有似於

此俱有材能並用筆墨而儒生奇有先王之道非徒

葵韭棗栗之謂也恒女之手紡績織經如或奇能織

錦刺繡名曰卓殊不復與恒女科矣夫儒生與文吏

程材儒生侈有經傳之學猶女工織錦刺繡之奇也

王充論衡量知篇

染練布帛名之曰采貴吉之服也無染練之治名穀

麤穀麤不吉喪人服之人無道學仕宦朝廷其不能

招政也猶喪人服麤不能招吉也王充論衡量知篇

夫令雄雀施氣於鴈鵠終不成子者何也鳩雀之身

小鴈鵠之形大也王充論衡奇怪篇

夫明之所及雖玄陰幽夜之地毫釐芒髮之物不以

為難焉苟所不逮者雖日月麗天之炤灼嵩岱干雲

之峻峭猶不能察焉抱朴子內篇微旨

阜隸之巷不能紆金根之軒布衣之門不能動六轡

之駕同為人類而尊卑兩絕抱朴子內篇道意

侏儒之手不足以傾嵩華焦僂之脛不足以測滄海

抱朴子內篇明本

俞木人事  
卷二  
分量

夫虎豹之所餘。乃狸鼠之所爭也。陶朱之所棄。乃原顏之所無也。抱朴子內篇祛惑

又諸小餌丹方甚多。然作之有深淺。故力勢不同。雖有優劣。轉不相及。猶一酸之酒。不可以方九醞之醇

耳。抱朴子內篇金丹

夫曠者不可督之。以分雅鄭。瞽者不可責之。以別丹

漆。井鼃不可語以滄海。庸俗不中說以經術。吾子苟

知老農之小功。未喻面牆之巨拙。何異拾瑣沙而捐

隋和。向炯燭而背白日也。抱朴子外篇守壻

夫麟不吠守。鳳不司晨。騰黃不引犁。尸祝不治庖也。

且夫揚大明乎無外。宣嫗煦之和氣者日也。耀華燈

於閉夜。治金石以致用者火也。天下不可以經時無

日。不可以一旦無火。然其大小不可同也。江海之外

彌綸二儀。升為雲雨。降成百川。而朝夕之用。不及累

仞之井。灌田溉園。未若溝渠之沃。校其巨細。孰為曠

哉。抱朴子外篇逸民

茅蓬不能動萬鈞之鏗鏘。侏儒不能看重仞之弘麗。

抱朴子外篇刺驕

懸象雖薄蝕。不可以比營燭之貞耀。黃河雖混濁。不

可以方沼沚之清澄。山雖崩。猶峻於丘垤。虎雖瘠。猶

猛於豺狼。

抱朴子外篇廣譬

以此為憂世念國希擬素王有似蹇足之尋龍騏斥

鷄之逐鴻鵠焦冥之方雲鵬巖馳之比巨象也。

抱朴子外

郭篇正

識在鉞管何能矩矱。

文心雕龍序志

江湖鱣鯨非溝瀆所容也。

文中子禮樂

故鷗鵬一軒橫厲寥廓背負蒼天足蹠浮雲有六翮

之資也。騏驥一驚騰光萬里絕塵掣微有迅足之勢

也。今以燕雀之羽而慕冲天之迅犬羊之蹄而覩追

日之步勢不能及亦可知也。

劉子均任

夫龍蛇有翻騰之質故能乘雲依霧賢才有政理之

德故能踐處勢位雲霧雖密蟻蚓不能昇者無其質

也。勢位雖高庸蔽不能治者乏其德也。故智小不可

以謀大德狹不可以處廣。

劉子均任

蹄窪之內不生蛟龍培塿之上不植松栢非水土之

性有所不生乃其營宇隘也。數粒而炊。枵薪而爨。非

苟為艱難由性褊恹而細碎也。

劉子觀量

枳棘之生數寸而抽枝。豫章之植百尺而蒔柯。其何

故耶。豈非質小者枝條蕪之而體大者節目疎乎。是

以達者之懷則滉瀟而無涯。褊人之情必刻覈而煩

細劉子觀量

江湖之流爛背漂屍縱橫接連而人飲之者量大故也。盆孟之水鼠尾一曳必嘔吐而棄之者量小故也。

劉子觀望

蠱狐以小丘為善莊子音義庚桑楚

言凡鳥獸之不可得而鳳麟亦猶凡夫不可強通聖

人之道揚子法言註問明篇

譬八荒之於中國如彼諸子之於聖人揚子法言註問道篇

且盲者不見咫尺而離婁燭千里之隅文選長楊賦

由此而揆之西蜀之於東吳小大之相絕也亦猶棘

林螢燿而與夫尋木龍燭也。否泰之相背也亦猶帝

之懸解而與夫桎梏疏屬也。庸可共世而論巨細同

年而議豐確乎文選吳都賦

亦猶犖麋之於子都培塿之與方壺也文選魏都賦

彼桑榆之末光喻長庚之初暉况河冀之爽嶝與江

介之湫涸文選魏都賦

貫三光而洞九泉曾未足以喻其高下也文選西征賦

譬猶穀卵始生翰毛文選陳琳檄吳將校文

譬猶飛兔流星超山越海龍驥所不敢追况於駑馬

可得齊足文選陳琳答東阿王牋

將欲希企前賢髣髴崇軌譬猶丘坻之望華岱恒星之繫日月也其不逮明矣補文選潘尼乘輿歲

鷦鷯不可與論雲翼井鼃難與量海鰲補文選郭璞客傲

夫干將之劍陸斷狗馬水截蛟龍而鉛刀不能入泥

騏驥驂駟之乘一日而致千里而駑蹇不能邁畝百

鍊之鑑別鬚眉之數而壁土不見泰山鴻鵠一舉橫

四海之區出青雲之外而尺鷃不陵桑榆此利鈍之

覺優劣之決也補文選夏侯湛抵疑

彼埊井之潢汗固不容夫吞舟且洛邑之渟滢曷足

以居乎萬乘哉廣文選杜季雅論都賦

燭龍之光不照一堂之上鍾山之口不談曲室之內

廣文選阮嗣宗莊論

行潦之流不致江海之深丘垤之資不成太山之高

魚鼈之類不希雲龍之軌一官之守不經大人之變

廣文選傅彥林王命敘

蒲柳之姿望秋而落松柏之質凌霜猶茂世說新語言語

露不廣海塵不增山藝文類聚職官部尚書今表

策蹇長途終慙一日之至懸縷層臺詎任千鈞之重

固知本弱不可自彊力微難以企及藝文類聚職官部冢宰表

拂羽決起力謝摩天策蹇載馳功微送日將短翮難

以陵高駑乘無由致遠

藝文類聚職官部太尉表

顧蹄涔不足以濯神鬚翳蒼不足以翔雲翮

藝文類聚人部

隱逸上贊

瓶瓠瑣器實非瑚璉之才稊稗之賤不中粢盛之用

藝文類聚人部隱逸下表

陋巷之居無高密之宇壁立之室無旬朔之資

藝文類聚

人部貧書

顧茲蓬蔚廁根蘭陂膏澤雖均華不足披逮春不茂

未秋先萎

藝文類聚人部贈答詩

以十鈞射者見天而不見雲以七鈞射者見鵠而不

見鶴以五鈞射者見鶴而不見雀

藝文類聚巧藝部射

莊子

故不見樵僂之微不知泱泱之泰不見果下之乘不

別龍馬之大高下相懸所以致觀也

藝文類聚獸部牛表

千鈞之弩不為鼷鼠發機萬石之鐘不以尺莛起音

事文類聚德量

壤蟲之比黃鵠轍鮒之仰河決未足云也

文苑英華徐凌贈答

上書

或問曰諺云人之相去如九牛毛寧有此理乎譚對

曰昔許由讓天子之貴市道小人爭半錢之利此相

去何啻九牛毛也

太平御覽人部事部辯下



羊不任駕鹽車。椽不可為楣棟。太平御覽 獸部羊尸子

上士學道輔佐帝王好生之德也。中士學道欲度其

家下士學道裁脫其身。太平御覽 道部道

有千金之裘而無千金之布。太平御覽 秦青子曰 服章部裘

夜光匪與魚目比映三秀難與朝華爭榮故布鼓自

嫌於雷門礫石有忌於琳琅矣。太平御覽 文部吊文

拙者得工輸之斤斧不能以成雲梯怯者得馮婦之

刀戟不能以擒兕虎。太平御覽 兵部戟

誠知武夫非和寶之倫長庚啓明非曜靈之匹。太平御覽

珍寶部 武夫

太山雨天下小山雨一國。埤雅天 道門雲

禽經曰雛上無尋鸚上無常雉上有丈鸚上有尺。埤雅

品物 門雉

聖人喻龍君子喻蛇。玉海周易 鄭康成注

小巫見大巫拔茅而棄此其所以終身弗如。困學紀 聞卷十

諸子 莊子述篇

比丘諸眷屬離佛不莊嚴猶如虛空中眾星之無月。

五燈會元西 天祖師一祖

無以大海內水譬諸小水無以太陽譬於餘光。三十 六部

尊經道 德經

猶如育蛾何能思於一乘寶藏深奧之義

海空智藏經供獻品

天府如海非一餅所汲

華陽陶隱居集

又如日出月及星光皆悉不現

波羅蜜多經卷五百六十七

又如大地蟲蟻蚊虻種種苦事不能傾動

波羅蜜多經卷五百

六十

又如大地若聞師子龍象等聲終無驚怖

波羅蜜多經卷五百

七十

如見日輪尚有隱沒即知螢火不得久住

波羅蜜多經卷五百

六十八

亦如大海小獸不入

波羅蜜多經卷五百六十九

如月輪出放大光明一切星光皆被映奪

波羅蜜多經五百八

十六

如日輪出放大光明熒火等光悉皆隱沒

波羅蜜多經五百八

大海中水一毛端水百分千分乃至鄔波尼殺曇分

亦未能比其量多少

波羅蜜多經五百八十九

今問尊者妙高山王與小芥子大小高下輕重何別

波羅蜜多經五百八十九

世間鑄鐵所有光彩難可方比瞻部真金謂瞻部金

所有光彩廣大微妙清淨殊勝

波羅蜜多經五百八十九

譬如日輪與瞻部洲作光明事。螢不能辦。所謂日輪放無量光。普照瞻部諸有情類。螢光唯照自身。波羅蜜多

經五百九十二

譬如螢火蟲。不作是念。言我光明。照闇浮提。普令大

明。光讚波羅蜜經卷二

如世間中燈油之炷。於螢火炷為廣。為大顯。照明淨

超過最勝。燭炬之耀。超勝燈炷。庭燎火聚。又勝燭炬

藥草發光。踰於火聚。星宿之光。倍過藥草。滿月流光

又過星耀。炎盛日光。踰超於月。大寶積經三十七

如瞻部捺陀金。置凡金中。令彼凡金。猶如墨聚。失於

明照。大寶積經三十七

猶如日中盛隆。熾陵於星辰。故不現。大寶積經六十一

猶如日中陵月。明令月失光明。不現。大寶積經六十一

不以野干聲。能令獸王恐。唯有師子王。一吼飛鳥落。

大寶積經卷九十九

譬如螢火。雖有無量千萬億數。不能障蔽日之光明。

大方等集經卷九

如日月星宿。俱遊虛空。而星宿明。不及日月。大方等集經

十八

譬如波利質多樹華。一日熏衣。瞻蔔華。婆師華。雖千

歲熏所不能及。

大方廣佛華嚴經卷五十九

曾見大海神為小小陂池溝渠泉流作禮不須彌山

寧為眾小山作禮不日月之光明與螢火之明等不

阿述達菩薩經衣入

師子獸王大吼之時其餘小獸能堪忍不不也又如

香象其所負重諸驢騾等能堪忍不不也

決定毗尼經衣二

何因緣故名日燈三昧譬如日出燈火月光星宿諸

明悉不復現

無盡意菩薩經九

金翅鳥飛鳥能及不

菩薩善戒經卷一

如師子吼猫狸能不

菩薩善戒經卷一

譬如真金為莊嚴具餘金不及

菩薩地持經卷七

譬如大河在於大谷谷大耶河大耶谷能盛河非河

盛谷谷必大也

大方等陀羅經卷四

譬如野干獸常與師子遊雖久相習近其聲不相類

聞彼聲怖死况能師子吼

鴛鴦摩羅經卷四

譬如從乳出酪酪出生酥生酥出熟酥熟酥出醍醐

凡夫邪見如初生乳乳血其雜受三歸者猶如純乳

隨信行等及初發心菩薩住解行地猶如成酪七種

學人及七地住菩薩猶如生酥意生身阿羅漢辟支

佛得自在力及九住十住菩薩猶如熟酥如來應供

等正覺猶如醍醐

大法鼓經卷下

當知十駱駝力不如一凡象力又復十駱駝及一凡象力不如一迦羅勒象力又復十駱駝及一凡象力并迦羅勒象力不如一鳩陀延象力正使十駱駝一凡象乃至鳩陀延象力不如一婆摩那象力復計此象之力不如一迦泥留象力也復計諸象之力復不如一優鉢象力復計爾許象力復不如一鉢頭摩象力復計爾許象力復不如一拘牟陀象力復取計校之復不如一分陀利象力復取計校之復不如一雪象之力復取計校之復不如一香象之力

增壹阿含經卷三十

六

此人間螢火之明不如燈火之明燈火之明不如炬火之明炬火之明不如大火之明大火之明不如星之明星之明不如月之明月之明不如日之明

利天品

樓灰經初

凡牛之力百當水牛力一水牛力百當青牛力一青牛力百當犛牛力一犛牛力百當竹牛力一竹牛力百當草象力一草象力百當凡象力一凡象力百當黑象力一黑象力百當白象力一白象力百當龍力一龍力百當可畏力士力一可畏力士力百當毘力

士力一段力士力百當崩惰力士力一崩惰力士力百當大破壞力士力一大破壞力士力百當半人乘力士力一半人乘力士力百當人乘力士力一人乘力士力百當大人乘力士力一鴛崛髻經緣六譬如日光比於闇冥如以實語比於妄談如以須彌山比於衆山如以解脫比於繫縛如以利益比於衰損如以善友比於怨家如以甘露比於毒藥如以白日比於昏夜如以偽珠比於真寶如以巨富比於貧窮猶如行使比安住者如以螢火比於日光如無足者欲比猛風相去懸遠如以盲人比明眼者如以嶮

路比平坦道

正法念處經卷二十一

譬如牛跡不受海水

阿方月王傳第一

須彌山南有一大樹高四千里諸鉢叉鳥栖宿其上

樹常不動有小鳥形類鶉鴒住止其上樹即振搖鉢

叉鳥語樹神言無知我身將重而初不動小鳥未宿

反更振動樹神言此鳥雖小從大海底來純食金剛

金剛為物所墮之處無不破壞所以大怖不能自安

經以為喻若有凡人解深經一句口誦心念身中三

毒四魔八萬垢門皆不能自安何況博採衆法為世

橋梁者也

衆經撰襍譬喻經

譬如小龍能雨一縣而不周遍。雖為人民潤不足言。

修行道地經修行品

如蠅蟲翅。所有風力不能吹動。須彌山王。本緣經持王子品

如諸法無量。智慧亦無量。如函大蓋亦大。函小蓋亦

小。大智度論卷二

譬如恒河不受大河以其狹。小故大海能受眾流。以

其廣大故。大智度論卷四

譬如月光雖大。日出則滅。大智度論卷九

如人雖到大海。以器小故不能取無量水。大智度論卷三十一

如一切草木力不如火。一切諸明勢不如日。亦如十

方世界諸山。不如一金剛珠。大智度論卷三十五

譬如快馬下一鞭。便走。駕馬多鞭乃去。大智度論卷三十六

譬如遠行。或有乘羊而去。或有乘馬而去。或有神通

去者。乘羊者久久乃到。乘馬者差速。乘神通者發意

頃便到。大智度論卷三十八

譬如時雨。如有國土。溉灌種蒔。及種種用水。常苦不

足。若時雨普降。無不沾洽。無不如願。大智度論卷五十五

譬如大雨。大樹則多受。小樹則少受。大智度論卷六十五

譬如水深淺無定。若於小兒則深。長者則淺。乃至大

海於人則深。於羅睺阿脩羅王則淺。大智度論卷六十六

如雷霆。小鳥則怖畏悶死。孔雀大鳥歡喜儂戲。大智度論

卷七十一

譬如大臣功業雖大不及太子。大智度論卷七十一

譬如壁中先有空相。小兒以擷釘之力少故不入。大

力者能入。大智度論卷七十二

譬如轉輪聖王寶藏中諸寶無能分別知其價者。聖

王出寶賜人。正可知其所得者。大智度論卷八十五

譬如國王見一張氈。不以為多。貧者見之以為多。大智

度論卷九十六

如小海船力可度大海。水船力不可渡。唯有神通者

能渡。大智度論卷一百

譬如香象蹴蹋。非驢所及。入大乘論卷下

雖善修理。彼迦柘珠。終不能為鞞瑠璃寶。菩提資糧論卷四

譬如人以小器盛水。著一升鹽。則不可飲。若復有人

以一升鹽投於大海。尚不覺鹽味。何況叵飲。何以故

水多鹽少故。十住毘婆沙論卷五

譬如一縷。其量微小。能持一華。一繫華已。勢力便盡

不復能繫。復有一縷。能持二華。再繫華已。勢力便盡

復有一縷。能持多華。多繫華已。其力方盡。又如流水

其性微小。流經一步。勢力便盡。有第二水。其性稍大



流經兩步。勢力方盡。有第三水。其性廣大。流經多步。勢力乃盡。又如酢滴。其性淡薄。唯能酢彼一滴之水。不能酢多。有第二滴。其性稍嚴。酢二滴水。不能酢多。有餘酢滴。其性更嚴。乃至能酢衆多滴水。瑜伽師地論六十  
警猶秋毫之憑。五嶽觸氏之附。六軍弘明集十  
郟克躡足。豈從邯鄲。比蹤盧敖。捷至寧與。若士齊跡。

弘明集十

江海淵曠。非井蛙所達。泊然入定。豈外道能干。弘明集十

篤時之蟲。驚疑於往來。滯發之鼃。河漢於遠大。其故何也。淪蒙怠而爭一息。抱孤陋而守井幹。豈知天地

之長久。溟海之壯闊。弘明集十

江海所以異於行潦者。以其深廣也。五岳所以別於丘陵者。以其高大也。若高不絕。山阜跛羊。凌其巔。深不絕。涓流孺子浴其淵。麒麟不處苑囿之中。吞舟之魚不遊數仞之溪。剖三寸之蚌。求明月之珠。探枳棘之巢。求鳳凰之雛。必難獲也。何者。小不能容大也。弘明

集牟子  
理惑論

語其量也。猶嵩華與培塿。殊峻溟渤。將坎井異深。辯正

論卷  
六

猶炎威赫耀。童子不能正目而視。迅雷奮擊。懦夫不

能張耳而聽。辯正論卷六

終尪無大椿之久。蜉蝣罕龜鶴之年。辯正論卷六

匠者之前難為斤斧。辯正論卷七

譬如輓夫為將。雖復將兵終身卒無功名。若英雄奮

發禍亂立定。一日之勲名蓋天下。法苑珠林卷八十八

吞舟之魚不產溝洫之水。鵬鷖之鳥豈翔尺鷃之林

也。法苑珠林卷八十八

小乘人骨金剛。肉非金剛也。大乘中內外金剛。一切

實滿有大勢力。無病處故。羅什譯維摩詰經弟子品

喻林卷二十四 終

喻林卷二十五

宣城華陽徐元太汝賢父編輯

猶子徐胥慶無猜父校

徐衍慶伯蕃父閱

人事門 二十三

遭遇

噬膚滅鼻乘剛也。易噬嗑

緩之則安。動之則苦。尊之則為將。卑之則為虜。抗之

則在青雲之上。抑之則在深泉之下。用之則為虎。不

用則為鼠。前漢書東方朔傳

喻林人事門 二十三 遭遇 一 王子良書

愍吾纍之衆芬兮颺燁燁之芳苓遭季夏之凝霜兮

慶天頽而喪榮

前漢書揚雄傳上

當塗者入青雲失路者委溝渠旦握權則爲卿相夕

失勢則爲匹夫譬若江湖之雀勃解之鳥乘鴈集不

爲之多雙鳧飛不爲之少

前漢書揚雄傳下

曩者王塗蕪穢周失其御侯伯方軌戰國橫騫於是

七雄虓闕分裂諸夏龍戰而虎爭游說之徒風颺電

激並起而救之其餘焱飛景附煜雪其間者益不可

勝載當此之時搨朽摩鈍鉛刀皆能壹斷

前漢書叙傳上

方今大漢灑掃羣穢夷險芟荒廓帝紘恢皇綱基隆

於羲農規廣於皇唐其君天下也炎之如日威之如

神函之如海養之如春是以六合之內莫不同源共

流沐浴玄德稟卯太和枝附葉著譬猶草木之殖山

林鳥魚之毓川澤得氣者蕃滋失時者零落參天隆

而施化豈云人事之厚薄哉

前漢書叙傳上

當此之時雖下愚之才居之猶能使恩同天地威侔

鬼神暴風疾霆不足以方其怒陽春時雨不足以喻

其澤周孔數千無所復負其聖賁育百萬無所復奮

其勇矣

後漢書仲長統列傳

廣厦成而茂木暢遠求存而良馬繫

後漢書崔駰列傳

芳蘭生門。不得不鉏。蜀志周羣傳

雖薄供時用。白茅猶為珍。冰霜晝夜結。蘭桂摧為薪。

晉書樂下

不幸橫陷此中。自不能拔脚於風塵之外。晉書庾亮傳

偉哉橫海鱗。壯矣垂天翼。一旦失風水。翻為螻蟻食。

宋書謝晦傳

良寶遇拙則奇。文不顯達士。逢讒則英才滅耀。故墜

葉垂蔭。明月為之隔。輝堂宇。留光蘭燈。有時不照。南齊

書劉祥傳

希世之寶。違時則賤。偉俗之器。無聖必淪。故鳴玉黜

於楚岫。章甫寤於越人。南齊書劉祥傳

俱沐温光。獨酸霜露。南齊書何昌寓傳

由斯言之。非兩漢棟梁之所育。近代薪樗之所產哉。

蓋好尚之道。殊遭遇之時異也。周書史臣儒林傳

夫謀莫難於必聽。事莫難於必成。成必合於數。聽必

合於情。故抱薪加火。爍者必先燃。平地注水。濕者必

先濡。鄧析子轉辭

楊布問曰。有人於此。年兄弟也。言兄弟也。才兄弟也。

貌兄弟也。而壽夭父子也。貴賤父子也。名譽父子也。

愛憎父子也。吾惑之。列子力命

宋有蘭子者以技干宋元宋元召而使見其技以雙枝長倍其身屬其蹠並趨並馳弄七劍迷而躍之五劍常在空中元君大驚立賜金帛又有蘭子又能燕戲者聞之復以干元君元君大怒曰昔有異技干寡人者技無庸適值寡人有歡心故賜金帛彼心聞此而進復望吾賞拘而擬戮之經月乃放

列子說符

重出

魯施氏有二子其一好學其一好兵好學者以術干齊侯齊侯納之爲諸公子之傅好兵者之楚以法干楚王王悅之以爲軍正祿富其家爵榮其親施氏之鄰人孟氏同有二子所業亦同而窘於貧羨施氏之

有因從請進趨之方二子以實告孟氏孟氏之一子之秦以術干秦王秦王曰當今諸侯力爭所務兵食而已若用仁義治吾國是滅亾之道遂宮而放之其一子之衛以法干衛侯衛侯曰吾弱國也而攝乎大國之間大國吾事之小國吾撫之是求安之道若賴兵權滅亾可待矣若全而歸之適於他國爲吾之患不輕矣遂刑之而還諸魯旣反孟氏之父子叩胷而讓施氏施氏曰凡得時者昌失時者亾子道與吾同而功與吾異失時者也非行之繆也且天下理無常是事無常非先日所用今或棄之今之所棄後或用

之。此用與不用無定是非也。投隙抵時。應事無方。屬乎智。智苟不足。使君博如孔丘。術如呂尚。馬往而不窮哉。孟氏父子舍然無愠容。曰吾知之矣。列子說符

人有見宋王者。賜車十乘。以其十乘騎稗。莊子。莊子曰。河上有家貧恃緯蕭而食者。其子沒於淵。得千金之珠。其父謂其子曰。取石來鍛之。夫千金之珠。必在九重之淵。而驪龍領下。子能得珠者。必遭其睡也。使驪龍而悟。子尚奚微之有哉。今宋國之深。非直九重之淵也。宋王之猛。非直驪龍也。子能得車者。必遭其睡也。使宋王而寤。子為齏粉矣。莊子列禦寇

楚人和氏得玉璞楚山中。奉而獻之厲王。厲王使玉人相之。玉人曰石也。王以和為誑。而刖其左足。及厲王薨。武王即位。和又奉其璞而獻之。武王使玉人相之。又曰石也。王又以和為誑。而刖其右足。武王薨。文王即位。和乃抱其璞而哭於楚山之下。三日三夜。泣盡而繼之以血。王聞之。使人問其故。曰。天下之別者多矣。子奚哭之悲也。和曰。吾非悲別也。悲夫寶玉而題之以石。貞士而名之以誑。此吾所以悲也。王乃使玉人理其璞。而得寶焉。遂命曰和氏之璧。韓非子

凡能聽說者必達乎論議者也。世主之能識論議者，寡所遇，惡得不苟。凡能聽音者，必達於五聲。人之能知五聲者，寡所善，惡得不苟。客有以吹籟見越王者，羽角宮徵商不謬。越王不善爲野音，而反善之。說之道亦有如此者也。

呂氏春秋  
秋遇合

人有大臭者，其親戚兄弟妻妾，知識無能與居者，自苦而居海上。海上有說其臭者，晝夜隨之，而弗能去。說亦有若此者。

呂氏春秋  
秋遇合

夫榘桺豫章，天下之名木，生於深山之中，產於溪谷之傍，立則爲太山，衆木之宗；仆則爲萬世之用。浮於山水之流，出於冥冥之野，因江河之道，而達於京師之下，因於斧斤之功，舒其文彩之好，精捍直理，密緻博通，蟲蝎不能穿，水濕不能傷，在高柔軟入地，堅彊無膏澤而光潤，生不尅畫而文章成，上爲帝王之御，物下則賜公卿庶賤，不得以備器械，閉絕以關梁，及隘於山阪之阻隔，於九坑之隄，仆於巍崔之山，頓於窅冥之溪，樹蒙籠蔓延，而無間石，崔巍嶄岩，而不開。廣者無舟車之通，狹者無步擔之蹊，商賈所不至，工匠所不窺，知者所不見，見者所不知，功棄而德亾，腐朽而枯，傷轉於百仞之壑，惕然而獨僵，當斯之時，不

如道傍之枯楊。累累詰屈委曲不同。然生於大都之  
廣地。近於大匠之名工。則材器制斷。規矩度量。堅者  
補朽。短者續長。大者治罈。小者治觴。飾以丹漆。斲以  
明光。上備大牢。春秋禮庠。褒以文彩。立禮矜莊。冠帶  
正容。對酒行觴。卿士列位。布陳宮堂。望之者目眩。近  
之者鼻芳。故事閉之則絕。吹之則通。抑之則沈。興之  
則揚。處地梗梓。賤於枯楊。德美非不相絕也。才力非  
不相懸也。彼則枯槁而遠棄。此則爲宗廟之器者。通  
與不通。亦如是也。陸子資質  
夫歷陽之都。一夕反而爲湖。勇力聖知。與罷怯不肖

者同命。巫山之上。順風縱火。膏夏紫芝。與蕭艾俱死。  
故河魚不得明目。穉稼不歸育時。其所生者然也。故  
世治則愚者不得獨亂。世亂則智者不能獨治。身蹈  
於濁世之中。而責道之不行也。是猶兩絆騏驎而求  
其致千里也。置猿檻中。則與豚同。非不巧曉也。無所  
肆其能也。舜之耕陶。也不能利其里。南面王則德施  
乎四海。仁非能益也。處便而勢利也。淮南子  
倣真訓  
世無災害。雖神無所施。其德上下和輯。雖賢無所立

其功

淮南子  
本經訓

夫戟者所以攻城也。鏡者所以照形也。宮人得戟。則



以刈葵。盲者得鏡，則以蓋卮。不知所施之也。故善鄙不同。誹譽在俗，趨舍不同。逆順在時。淮南子人問訓

夫項託七歲為孔子師，孔子有以聽其言也。以年之

少為閭丈人說，救敵不給，何道之能明也。淮南子修務訓

孟子說齊宣王而不說淳于髡，侍孟子曰：今日說公

之君，公之君不說，意者其未知善之為善乎？淳于髡

曰：夫子亦誠無善耳。昔者匏巴鼓瑟而潛魚出聽，伯

牙鼓琴而六馬仰秣，魚馬猶知善之為善，而况君人

者也。孟子曰：夫電雷之起也，破竹折木，震驚天下，而

不能使聾者卒有聞，日月之明，徧照天下，而不能使

盲者卒有見。今公之君若此也。淳于髡曰：不然。昔者

揖封生，高商齊人，好歌，杞梁之妻悲哭，而人稱詠，夫

聲無細而不聞，行無隱而不形。夫子苟賢，居魯而魯

國之削，何也？孟子曰：不用賢，削何有也？吞舟之魚不

居潛澤，度量之士不居汙世。夫藝冬至必彫，吾亦時

矣。詩曰：不自我先，不自我後，非遭彫世者歟。韓詩外傳

夫驥之才千里，非造父不能使禹之知萬人，非舜為

相不能用。鹽鐵論利議

故事人加則為宗廟器，否則斲養之，豐木于越之，鋌

不礪，匹夫賤之，工人施巧，人主服而朝也。鹽鐵論殊路

喻木 人事 卷二十五 遭遇 八

方李斯在荀卿之門。鬪茸與之齊軫。及其奮翼高舉。龍昇驥驚。過九軌二。翱翔萬仞。鴻鵠驕驪且同侶。况跛牂燕雀之屬乎。鹽鐵論 毀學

絲絲之葛在於曠野。良工得之以為絺紵。良工不得。枯死於野。此七士者不遇明君聖主。幾行乞丐。枯死

於中野。譬猶絲絲之葛矣。說苑 尊賢

霜降閉戶。蟄蟲隱處。不見日月。與死為伍。焦氏易林 坤之需

典冊法書。藏在蘭臺。雖遭亂潰。獨不遇災。焦氏易林 坤之大畜

秋花冬萼。數被嚴霜。甲兵當庭。萬物不生。焦氏易林 小畜之蹇

夏麥麩麩。霜擊其芒。焦氏易林 泰之賁

白鶴銜珠。夜室反明。懷我德音。身受光榮。焦氏易林 謙之泰

鸛鳩從來西。至平州。遭逢雷電。損我葦蘆。焦氏易林 謙之革

探穀得螽。所願不喜。焦氏易林 觀之復

秋隼冬翔。數被嚴霜。焦氏易林 賁之隨

捕魚遇蟹。利得無幾。焦氏易林 无 矣之歸妹

三雁俱飛。避暑就涼。適與矰遇。為繳所傷。焦氏易林 頤之屯

膠車駕東。與雨相逢。焦氏易林 大過之蠱

車行千里。塗不污輪。焦氏易林 坎之履

風塵坎坷。不見南北。行迷失利。復反其室。焦氏易林 坎之咸

雲夢苑囿。萬物蕃熾。犀象玳瑁。荆人以富。焦氏易林 遯之渙

登危入厄四時變易春霜夏雪物皆凋落

焦氏易林萃之明夷

駕福乘喜東至嘉國

焦氏易林解之睽

蛇得澤草不憂危殆

焦氏易林渙之坤

次五田遇禽人莫之禁測曰田遇禽誠可勉也

太玄經第

四遇

治世則陽明開而小人為泥沙亂世則陰濁濫而君

子為魚肉

天祿閣外史黨錮

夫貧賤者士之素也用之則為春陽不用則為秋陰  
達則萬鍾而不加喜窮則一瓢而不加憂故仲尼聖  
矣不能為夷吾之霸齊孟軻賢矣不能為子產之興

鄭何則遇與不遇耳

天祿閣外史待樵

子徒知曲竹之可規而烏知曲棟不可以使之直乎

知曲世之可規而不知曲主不可使之庭乎鷹隼為

鳳狐狸為麟葭菼為鞠蒺藜為蘭故賢士之處世明

主求焉常主忽焉是故放勳以之讓后羿以之棄高

宗以之夢帝莘以之剖周公以之握穆公以之殉句

踐以之謀祖龍以之坑由此觀之賢士之顯戮時也

故負鼎而干湯伊尹不知其為顯及授之以阿衡而

伐夏則顯矣歷說十二諸侯孔子不知其為戮及絕

糧而削迹行不稅冕則戮矣

天祿閣外史去就

物以春生人保之以秋成人必不能保之卒然牛馬踐根刀鎌割莖生者不育至秋不成不成之類遇害不遂不得生也夫鼠涉飯中捐而不食捐飯之味與彼不汗者釣以鼠為害棄而不御君子之累害與彼不育之物不御之飯同一實也俱由外來故為累害

王克論衡

累害篇

高鳥死良弓藏狡兔得良犬烹權詐之臣高鳥之弓狡兔之犬也安平身無宜則弓藏而犬烹安平之主非棄臣而賤士世所用助上者非其宜也  
王克論衡 定賢篇  
螢火之明掩於日月之光忠臣之聲蔽於賢君之名

王克論衡 定賢篇

馬圉之說無方而野人說之子貢之說有義野人不聽吹籟工為善聲因越王不喜更為野聲越王大說故為善於不欲得善之主雖善不見愛為不善於欲得不善之主雖不善不見憎  
王克論衡 逢遇篇

或無伎矣以姦巧合上志亦有以遇者竊簪之臣雞鳴之客是竊簪之臣親於子反雞鳴之客幸於孟嘗子反好偷臣孟嘗愛偽客也以有補於人君人君賴之其遇固宜或無補益為上所好籍孺鄧通是也籍孺幸於孝惠鄧通愛於孝文無細簡之才微薄之能

偶以形佳骨嫺皮媚色稱夫好容人所好也其遇固宜或以醜面惡色稱媚於上嫺母無鹽是也嫺母進於黃帝無鹽納於齊王故賢不肖可豫知遇難先圖

王克論衡  
逢遇篇

商鞅三說秦孝公前二說不聽後一說用者前二帝王之論後一霸者之議也夫持帝王之論說霸者之主雖精見距更調霸說雖麤見受何則精遇孝公所不得麤遇孝公所欲行也王克論衡  
逢遇篇處尊居顯未必賢遇也位卑在下未必愚不遇也故遇或抱洿行尊於桀之朝不遇或持潔節卑於堯之

廷王克論衡  
逢遇篇

昔周人有仕數不遇年老白首泣涕於塗者人或問之何為泣乎對曰吾仕數不遇自傷年老失時是以泣也人曰仕柰何不一遇也對曰吾年少之時學為文文德成就始欲仕宦人君好用老用老主亾後主又用武吾更為武武節始就武主又亾少主始立好用少年吾年又老是以未嘗一遇仕宦有時不可求也

王克論衡  
逢遇篇

進能有益納說有補人之所知也或以不補而得祐或以有益而獲罪且夏時鑪以炙濕冬時扇以嬰火

世可希主不可准也說可轉能不可易也

王克論衡逢遇篇

蜘蛛結網。蜚蟲過之。或脫或獲。獵者張羅。百獸羣擾。

或得或失。漁者罾江湖之魚。或存或亡。或姦盜大辟。

而不知。或罰贖小罪而發覺。災氣加人。亦此類也。

王克

論衡幸偶篇

德令降於殿堂。命長之囚出於牢中。天非為囚未當

死。使聖王出德令也。聖王適下赦。拘囚適當免死。猶

人以夜卧晝起矣。夜月光盡。不可以作人力。亦倦欲

一休息。晝日光明。人卧亦覺力。亦復足。非天以日作

之以夜息之也。作與日相應。息與夜相得也。

王克論衡偶會

篇

使火燃以水沃之。可謂水賊。火火適自滅。水適自覆。

兩名各自敗。不為相賊。今男女之早夭。非水沃火之

比。適自滅覆之類也。

王克論衡偶會篇

長巨之物。彊力之人。乃能舉之。重任之車。彊力之牛。

乃能輓之。是任車上阪。彊牛引前。力人推後。乃能升

踰。如牛羸人罷。任車退却。還墮坑谷。有破覆之敗矣。

文儒懷先王之道。含百家之言。其難推引。非徒任車

之重也。薦致之者。罷羸無力。遂却退竄於巖穴矣。

王克

論衡効力篇

長數仞之竹。大連抱之木。工技之人裁而用之。或成器。而見舉持。或遺材而遭廢棄。非工技之人有愛憎也。刀斧如有偶然也。蒸穀為飯。釀飯為酒。酒之成也。甘苦異味。飯之熟也。剛柔殊和。非庖廚酒人有意異也。手指之調。有偶適也。調飯也。殊筐而居。其酒也。異器而處。蟲墮一器。酒棄不飲。鼠涉一筐。飯捐不食。夫百草之類。皆有補益。遭醫人采掇。成為良藥。或遺枯澤。為火所爍。等之金也。或為劍戟。或為鋒鈿。同之木也。或梁於宮。或柱於橋。俱之火也。或爍脂燭。或燔枯草。均之土也。或基殿堂。或塗軒戶。皆之水也。或漑鼎

釜。或澡腐臭。物善惡同。遭為人用。其不幸偶。猶可傷

痛。况含精氣之徒乎。

王克論衡命義篇

歷陽之都。長平之坑。其中必有命善祿盛之人。一宿

同填。而有遭逢之禍。大命善祿盛。不能卻也。譬猶水

火相更也。水盛勝火。火盛勝水。遇其主而用也。

王克論衡

命義篇

夫能知之也。凡石生光氣。不知之也。金玉無潤色。

王克

論衡別通篇

春物之傷。或殘之也。殘物不傷。秋亦大長。

王克論衡書解篇

譬猶田獵所經。而有遺禽脫獸。大火既過。時餘不燼。

草木也。

抱朴子內篇道意

譬猶金石之銷於鑪冶。瓦器之甄於陶竈。雖田之以

成形。而銅鐵之利鈍。罌甕之邪正。適遇所遭。非復鑪

竈之事也。

抱朴子內篇塞難

孤貧而精六藝者。以游夏之資。而抑頓乎九泉之下。

因風而附鳳翼者。以鴛庸之質。猶迴遑乎霞霄之表。

抱朴子外篇勛學

若夫美玉不出重岫。良弓不鑿百札。驥騄不服朱軒。

命世不履爵勢。則孰知其能。攄符彩之耀。曄頓雲禽。

於千仞。騁逸迹以追風。康庶績於百揆乎。夫其不遇。

亦得不雜糅於瓦石。鈞賤於朽木。列鑣於下乘。等望

於凡瑣哉。

抱朴子外篇名實

非分之達。猶林卉之冬華也。守道之窮。猶竹栢之履

霜也。

抱朴子外篇廣譬

虎豹不能搏噬於波濤之中。騰蛇不能登凌於不霧

之日。摯雉兔則鸞鳳不及。鷹鷂引耕犁則龍鱗不逮。

雙峙。故武夫勇士無用乎晏如之世。碩生逸才不貴

乎力競之運。

抱朴子外篇博喻

駮駟之騁。逸迹由造父之御也。禹稷之序。百揆遭唐

虞之主也。故能不勞而千里至。揖讓而頌聲作。若乃



臧獲之乘驕駿。殷辛之臨三仁。欲長驅輕騫則轡急。轅逼欲盡規竭忠則禍如發機。所以車傾於險塗。國覆而不振也。故良駿敗於拙御。智士躓於闇世。仲尼不能止魯侯之出。晏嬰不能遏崔杼之亂。其才則是主則非也。抱朴子外篇官理

沈閭涇釣。精勁之良也。而不以擊。則朝菌不能斷焉。珣華黎綠。連城之寶也。委之泥濘。則瓦礫積其上焉。故可珍而不必見珍也。可用而不必見用也。抱朴子外篇窮達

晝競羲和之末景。夕照望舒之餘耀。抱朴子外篇任命

田蕪廩虛。皆由有君。夫君非塞田之蔓草。臣非耗倉之雀鼠也。其蕪其虛。卒由厄運。水旱疫癘。以臻凶荒。

抱朴子外篇詰鮑

種桑長江邊。三年望當採。枝條始欲茂。忽值山河改。柯葉自摧折。根株浮滄海。春蠶既無食。寒衣欲誰待。本不植高原。今日復何悔。陶靖節集詩五言

然將相以位隆。特達文士以職卑。多謂此江河所以騰湧涓流。所以寸析者也。文心雕龍程器

榮凋有命。困遇有期。故春藥雖茂。假朝露而抽翠。秋葉誠危。因微風而飄零。劉子言苑

星著天而後天下見王陽貢禹時主所揚而後名顯

也仲元雖有賢德而時不高之故不彰楊子法言註淵騫篇

浮雲之馳奄忽相踰飄颻不定逮乎因風波蕩各在

天之一隅以喻人之客飛薄亦爾李善註文選李少卿與蘇武詩

明君時有蔽壅喻利眼臨雲而息照俊又待時而屢

歎喻明玉蒙垢而掩輝李善註文選陸士衡演連珠

權假日以餘榮比朝華而菴藹文選魏都賦

昔駮驥倚輶於吳阪長鳴於良樂知與不知也百里

奚愚於虞而智於秦遇與不遇也文選劉琨答盧諶詩序

穎茗皆草木也生潛隱之處則怨青陽之不至生陵

阜之上則哀素秋之早及文選郭璞遊仙詩註

昔為匣中玉今為糞上英文選石崇王明君辭

夫虎嘯風馳龍興雲屬故重華立而元凱升辛受生

而飛廉進文選劉峻辨命論

火炎崑岡爍石與琬琰俱焚嚴霜夜零蕭艾與芝蘭

共盡雖游夏之英才伊顏之殆庶焉能抗之哉文選劉峻

辨命論張良受黃石之符誦三畧之說以遊於羣雄其言也

如以水投石莫之受也及其遭漢祖也其言也如以

石投水莫之逆也文選李康運命論

俞木人事 卷二十五 遭遇

唯木 卷二十一  
一  
蚓蛾以不才陸槁蟒蛇以騰鶩暴鱗連城之寶藏於  
褐裏三秀雖艷糜於麗采香惡乎芬賈惡乎在補文選郭

璞客傲

顧茲蓬蔚厠根蘭陂膏澤雖均華不足披逮春不茂

未秋先萎

廣文選潘正叔陸士衡詩

芝蘭蕭艾之秋形殊而並悴羽毛鱗介之怨聲異而

俱哀

藝文類聚人部懷舊銘

不見巫山火芝艾豈相離

藝文類聚人部隱逸上詩

當其潛光荆野抱璞未理衆視之以爲石獨見知於

卞子曠千載以遐棄倏一旦而見齒爲有國之偉寶

禮神祇於明祀豈連城之足云嘉遭遇乎知已

藝文類聚

寶玉部玉賦

寒蟲夕叫含輕重而同悲秋葉晚傷雜黃紫而俱墜

藝文類聚人部言志書

氣氤桃李花青跗含素萼旣爲風所開復爲風所落

文苑英華沈約天部六詩

不見高巔樹摧抗下爲薪豈甘

一作日覩

井中泥時至出

作塵

文苑英華劉孝威樂府十九詩

松生數寸時遂爲草所沒未見籠雲心誰知負霜骨

弱幹可摧殘纖莖易凌忽何當數千尺爲君覆明月

喻木  
文苑英華吳  
均寄贈一詩

河津一名龍門水陸不通魚鼈之屬莫能上海大魚

薄集龍門下數千不得上上則為龍太平御覽  
居處部門

田者命懸於天也人力雖修水旱不時則一年功棄

矣太平御覽  
資產部田

銅俱出於石為鈴則小鑄鐘則大絲俱生於蠶為繒

則賤為錦則貴太平御覽  
珍寶部銅

在物莫尚於珠玉珠玉不覩王公則不為寶太平御  
覽珍寶

部珠  
下

不謂夷之初旦明而未融虹蜺揚輝棄和取同何氏  
語林

識鑒范曄  
後漢書

譬如池水蓮花中生開敷鮮榮甚可愛樂遇天霜雹

悉皆毀壞海空智藏  
經持誠品

猶如盲龜值大浮木元陽妙  
經卷八

物有先貴後賤先富後貧猶如朱夏赫曦玄冬凜冽

天既炎涼不定人亦貴賤何常道德經註  
疏卷三

如有病者乃假醫藥若無其疾醫藥無用波羅蜜多  
經卷五百

六十  
六

若如彼陶家埏埴作瓦器或盛甘露蜜或受酪酥食

計泥本一等為器各別異所受又不同因盛而立名

喻木人事  
卷二十一  
五遭遇

七

或有時溝澗暴雨溢滿流疾趣下聲震四遠彼岸人  
喚此不聞聲此間人喚彼不聞聲或時溝澗水盡無

餘出曜經一  
無常品

昔有羣賊共行劫盜多取財物即共分之等以為分  
唯有鹿野欽婆羅色不純好以為下分與最劣者下  
劣者得之恚恨謂呼大失至城賣之諸貴長者多與  
其價一人所得倍於眾伴百喻經  
卷

昔有導師入海採寶時有五百人追之共行導師謂  
曰海中有五難一者激流二者洄波三者大魚四者

女鬼五者醉菓能度此難乃可共行眾人要訖乘風  
入海到寶渚各行採寶一人不勝菓香食之一醉七  
日眾人寶足颿風已到欲嚴還出鳴鼓集人一人不  
滿四布求之見卧樹下醉未曾醒共扶來還折樹枝  
柱之共歸還國家門聞喜悉來迎逆醉者見無所得  
獨甚愁感醉人不樂拄杖入市市人求價乃至二萬  
兩金其人與之問杖有何德曰此為樹寶搗燒此杖  
熏諸瓦石悉成珍寶眾經撰雜  
譬喻經

譬如大赦及者得脫不及者則不蒙大智度論  
卷八十八  
如壞軍得值大將則活遇小兵則死大智度論  
卷十五

奮激

今寡人念吳猶躡者不怠走盲者不怠視吳越春秋句踐歸國

水不激不能破舟矢不激不能飲羽後漢書馮衍傳註

天生少為隊將十人同火屋後有一大坑廣二丈餘

十人共跳之皆渡唯天生墜坑天生乃取實中苦竹

剡其端使利交橫布坑內更呼等類共跳並畏懼不

敢天生曰我向已不渡今者必墜此坑中丈夫跳此

不渡亦何須活乃復跳之往反十餘曾無畱礙眾並

歎服宋書孝義卜天與傳

人仕宦不出當入不入當出安能長居戶限上南史劉穆之傳

駛雪多積荒城之隈急風好起沙河之上克已類出

夔牖之限決命必在吞氣之士何者寒荒之地風雪

之所積慷慨之懷忠義之所聚劉子激通

平原五達易行之衢也孤峯九折難陟之逕也從高

越下駑馬之步也騰峭登危飛颺之足也以險而陟

然後為貴以難而昇所以為賢劉子激通

衝飈之激則折木湍波之湧必漂石風之體虛水之

性弱而能披堅木轉重石者激勢之所成也劉子激通

梗柙鬱感。以成縛錦之瘤。蚌蛤結疴。以銜明月之珠。鳥飛則能翔青雲之際。矢驚則能踰白雪之嶺。斯皆仍瘁以成明文之珍。因激以致高遠之勢。劉子激通

夫雷霆必發而潛底震動。枹鼓鏗鏘而介士奮竦。故

物不震不發。士不激不勇。文選王褒四子講德論

越王思報吳。冬則抱冰。夏則握火。藝文類聚火部火

王彥深不為羣從所禮。常懷恥慨。欲以將領自奮。每

撫刃曰。龍泉太阿。汝知我者。何氏語林言志

利之所激。深宮之女皆儀秦也。困學紀聞卷十諸子

昔有二人各畜力牛。一人自誇欲得與彼牛角力。若

不如者要金錢五百。試牛並耕。一牛力實勝之。其牛

主罵曰。弊牛努力。牛聞其罵。即便卧地。輸金錢五百

枚。復至後日。主責牛曰。名汝為快牛。乃使我失錢。令

我慚愧。牛報其主曰。更可試之。當盡我力。當還倍得

彼錢。即復更耕。如牛所言。倍得彼錢。出曜經七口品

昔有人捕得大象。繫以鐵鎖。屬王波斯。匿閉在華堂

繫絆。不與食。猶暴難禁。制是時王家。更被暴象。皆著

器仗。有所征伐。夫戰象法。有所攻伐。必同聲喚。時彼

繫象。聞知有外來寇。侵境者。象懷瞋恚。頓鎖自擲。踏

壞華室。馳走東西。命敵而行。出曜經五無放逸品之餘

喻林卷二十五 終

喻林卷二十六

宣城華陽徐元太汝賢父編輯

猶子徐胥慶無猜父校

徐昭慶穆如父閱

人事門 二十四

賴藉

九二渙奔其杙悔亾象曰渙奔其杙得願也 易渙

城之為體由基土陪扶乃得為城今下不陪扶城則  
損壞以此崩倒反復于隍猶君之為體由臣之輔翼  
今上下不交臣不扶君君道傾危故云城復于隍 周易



正義

葛也藟也延蔓於木之枚本而茂盛喻子孫依緣先人之功而起鄭氏箋

周禮上瞽四十人中瞽百人下瞽百六十人有視瞭

者相之鄭氏箋

王芻篇竹所以美盛者由得淇水浸潤之故武公所

以德盛者由得康叔之餘烈毛詩正義

芄蘭之支以柔弱恒延蔓於地有所依緣則起以興

幼穉之君以幼時恒闇昧於政有所任用乃能成其

德教毛詩正義

子皮賦野有死麕之卒章趙孟賦常棣且曰吾兄弟

比以安龙也可使無吠左傳昭公元年

所以傾而未顛決而未潰豈非仁人君子心力之為

乎後漢書黃瓊傳論

周書小開篇曰嗚呼汝何敬非時何擇非德德枳維

大人大人枳維公公枳維卿卿枳維大夫大夫枳維

士登登皇皇國枳維都都枳維邑邑枳維家家枳維

欲無彊言上下相維遞為藩蔽也後漢書馮衍傳註

明珠招駭於闇至蟠木取悅於先容宋書顧覲之傳

圖南因於積風伐國在於資給魏書邢巒傳

五方易辨尚待指南百世可知猶須吹律北齊書文苑李廣傳

今之禽獸麋鹿蜚鳥貞蟲因其羽毛以為衣裘因其

蹄蚤以為絝履因其水草以為飲食故唯使雄不耕

稼樹藝雌亦不紡績織絰衣食之財固已具矣今人

與此異者也賴其力者主不賴其力者不主墨子非樂上

湯武聖主也而不能與越人乘幹舟而浮於江湖伊

尹賢相也而不能與胡人騎馱馬而服駟駘孔墨博

通而不能與山居者入榛薄險阻也由此觀之則人

知之於物也淺矣而欲以偏照海内存萬方不因道

之數而專已之能則其窮不達矣淮南子主術訓上

陰不能制於陽附於金柅易之柔道牽也京氏易傳姤上

秋冬夜行照覽星辰焦氏易林同人之感

不畏猛虎依人為輔焦氏易林遯之家入

枯匏不朽利以濟舟渡踰江海无有溺憂焦氏易林震之震

犬畏虎狼依人作輔焦氏易林未濟之隨

浩浩之海濟樓航之力也航人無楫如航何揚子寡見

次四鑒貞不迷于人攸資測日鑒貞不迷誠可信也

太玄經第六管

日之照幽不須燈燭賁育當敵不待輔佐使將相知

力若日之照幽賁育之難敵則文吏之能無所用也

病作而醫用禍起而巫使如自能按方和藥入室求  
崇則醫不售而巫不進矣。橋梁之設也足不能越溝  
也。車馬之用也走不能追遠也。足能越溝走能追遠

則橋梁不設車馬不用矣。

王克論衡 程材篇

且圓物投之於地。東西南北無之不可。策杖叩動。纔  
微輒停。方物集地。壹投而止。及其移徙。須人舉動。賢  
儒世之方物也。其難轉移者。其動須人也。

王克論衡 狀雷篇

湍瀨之流。沙石轉而大石不移。何者。大石重而沙石  
輕也。沙石轉積於大石之上。大石沒而不見。賢儒俗  
吏。並在世俗。有似於此。是故金鐵在地。焱風不能動。

毛芥在其間。飛揚千里。夫賢儒所懷。其猶水中大石  
在地。金鐵也。其進不若俗吏速者。長吏力劣不能用

也。王克論衡 狀雷篇

火之光也不舉。不明有人於斯。其知如京。其德如山。  
力重不能自稱。須人乃舉。而莫之助。

王克論衡 効力篇

寡育古之多力者。身能負荷千鈞。手能決筋伸鉤。使  
之自舉。不能離地。智能滿胃之人。宜在王闕。須三寸  
之舌。一尺之筆。然後可動。不能自進。

王克論衡 効力篇

良玉須切磋。璠璣就其形。隋珠豈不曜。雕瑩啓光榮。

嵇中散集 阮德如答

喻林 人事

卷二十六 賴藉

夫尋端之理猶獵師以得禽也縱使尋迹時有無獲然得禽曷嘗不由之哉

嵇中散集答釋難宅無吉凶攝生論

捐玄黎於滄溟非夜光之不真也由莫識焉投彤盧而不彎非繁弱之不勁也坐莫賞焉故瓊瑤俟荆和而顯連城之賈烏號須逢門而著陷堅之功飛菟待

子豫而颯騰俊民值知己而宣力

抱朴子外篇名實

火之然也不風不盛盛則景耀而聲揚

太玄經第二釋解

餅所以出水須緇以汲之猶君須於民以及祿也

太玄

經第六 劇解

夫火以吹爇生焰鏡以瑩拂成鑑火不吹則無外耀

之光鏡不瑩必闕內影之照故吹為火之光瑩為鏡

之華人之寓代亦須聲譽以發光華猶比火鏡假吹

瑩也

劉子因顯

目不夜見非暗晝見非明有假也

莊子音義天下

指之取火以針刺鼠以錐故假於物指是不至也

莊子

音義天下

因雲灑潤則芬澤易流乘風載響則音徽自遠是以

德教俟物而濟榮名緣時而顯

文選陸機演連珠

鑽燧吐火以續暘谷之晷揮翮生風而繼飛廉之功

是以物有微而毗著事有瑣而助洪

文選陸機演連珠

且宦無金張之援游無子孟之資而圖富貴之榮望殊異之寵是隴西之遊越人之射耳

文選應璩與岑文瑜書

膺騰撇波而濟水不如乘舟之逸也衝蒙涉田而致遠未若遵塗之疾也才蔽於無人行衰於寡黨此古

今之患

文選王褒四子講德論

牽弱葛之蔓延寄陵風於松杞指曲蓬之直達固有

憑於原泉

補文選謝朓酬德賦

之燕入楚待驥足凌河越海寄輕舟

藝文類聚內典部內典頌

夫蒼龍非不神不能白日升天飄風雖疾不以霖雨

不能揚塵故蒼蠅之飛不過十步自託騏驥之髮乃

騰千里之路

藝文類聚蟲部蠅書

晉獻公雖與指南車終不覺矣齊桓公中才矣有指

南而悟失之則惑管仲桓公指南車也

太平御覽車部指南車

譬如有人年百二十老耄衰朽又加衆病所謂風病

熱病痰病或三雜病是老病人欲從牀座起往他處

而自不能有所難隨意欲往我等二人終不相棄必達所趣

莫有所難隨意欲往我等二人終不相棄必達所趣

安隱無損

波羅蜜多經卷三百一十二

如諸貧人依富長者方出險難

波羅蜜多經卷五百六十八

如險曠野行人疲倦遇善將導能令安隱

波羅蜜多經卷五百

六十

譬如大火若遇草木必無退還是諸草木皆順益火

發其光明

波羅蜜多經卷五百七十二

如人左手佐助右手

放光波羅蜜經

譬如有城無有樓閣園林池沼亦無象馬遊行之處

彼城之主雖有力安處而城無樓閣諸功德故則非

莊嚴

大寶積經二十

如人處險要因機杖亦如執炬覩見諸器

本緣經鹿品

譬如老人夜行無杖則蹶

大智度論卷十四

譬如絕崖險道假梯能上又如深水因船得度

大智度論

卷十

譬如水性自冷假火故熱止火停久水則還冷

大智度論

三十

譬如苦藥服之甚難假之以蜜服之則易

大智度論三十五

譬如登樓得梯則易上

大智度論三十五

如人闇道中然燈亦能自益亦能益人

大智度論卷二十九

譬如老病人依恃他力能行能立

大智度論卷五十三

如夜中有所見皆是星月力

大智度論卷五十八

如盲人為有目者所將護故終不墜落溝壑

大智度論卷八

十五

因託

賁其須與上興也 易賁

如木既顛厥巢其猶有枝葉作休 汲冢周書嘗麥解

絲絲葛藟 音壘 在河之許 音虎 ○絲絲葛藟在河之涘 音侯

○絲絲葛藟在河之濬 音辱 ○詩國風葛藟

南有樛木 音鳩 其瓠 音護 纍之 音雷 有嘉魚 詩小雅南

葛與女蘿 音羅 施于松栢 ○葛與女蘿施于松上

詩小雅頌弁

葛生延而蒙楚歛生蔓於野喻婦人外成於他家 詩毛

葛生註

木枝以下垂之故故葛藟也得纍而蔓之而上下俱

盛 鄭氏箋詩樛木

小鳥知止於丘之曲阿靜安之處而託息焉小臣擇

卿大夫有仁厚之德者而依屬焉 鄭氏箋詩絲蠻

岐山之南周之原地膺膺然其土地皆肥美也其地

所生菹荼之菜雖性本苦今盡甘如飴味然 毛詩正義綿

莫莫然而延蔓者是葛也藟也乃施於木之條枚之

上而長也以興依緣者此大王王季也乃依緣已之

先祖之功業而起也 毛詩正義旱麓

鹿死不擇音小國之事大國也德則其入也不德則

其鹿也鋌而走險急何能擇左傳文公十七年

夫子之在此也猶燕之巢于幕上左傳襄公二十九年

十室之邑可以逃難百室之邑可以隱死以千乘之

魯而不能存子糾以公為病矣穀梁莊公九年

甘茂亾秦且之齊出關遇蘇子曰君聞夫江上之處

女乎蘇子曰不聞曰夫江上之處女有家貧而無燭

者處女相與語欲去之家貧無燭者將去矣謂處女

曰妾以無燭故常先至掃室布席何愛於餘明之照

四壁者幸以賜妾何妨於處女妾自以為有益於處

女何為去我處女相語以為然而留之今臣不肖棄

逐於秦而出關願為足下掃室布席幸無我逐也戰國策秦昭襄王

蘇代為燕說齊未見齊王先說淳于髡曰人有買駿

馬者比三旦立市人莫之知往見伯樂曰臣有駿馬

欲賣之比三旦立於市人莫與言子還而視之去而

顧之臣請獻一朝之費伯樂乃還而視之去而顧之

一旦而馬價十倍今臣欲以駿馬見於王莫為臣先

後者足下有意為臣伯樂乎臣請獻玉璧一雙黃金

千鎰以為馬食戰國策燕王噲

伯夷叔齊雖賢得夫子而名益彰顏淵雖篤學附驥



尾而行益顯

史記伯夷傳

甘茂曰臣得罪於秦懼而逃逃無所容跡臣聞貧人女與富人女會績貧人女曰我無以買燭而子之燭光幸有餘子可分我餘光無損子明而得一斯便焉今臣困而君方使秦而當路矣茂之妻子在焉願君以餘光振之蘇代許諾

史記甘茂傳

明月之珠夜光之璧以闇投人於道路人無不按劍相眇者何則無因而至前也蟠木根抵輪困離詭而為萬乘器者何則以左右先為之容也故無因至前雖出隋侯之珠夜光之璧猶結怨而不見德故有人

先談則以枯木朽株樹功而不忘今夫天下布衣窮

居之士身在貧賤雖抱堯舜之術挾伊尹之辯懷龍

逢比干之意欲盡忠當世之君而素無根抵之容雖

竭精思欲開忠信輔人主之治則人主必有按劍相

眇之跡是使布衣不得為枯木朽株之資也

社鼷不灌屋鼠不熏何則所託者然也

但駑馬鈇刀不可強扶數蒙伯樂一顧之價而蒼蠅

之飛不過數步即託驥尾得以絕羣

虎豹在山鼯鼯在水各有所託

各著根於石上而垂陰乎千里亦未為易也

後漢書宋均列傳  
魏志裴潛傳註

輅言吾非四淵之龍安能使白日晝陰卿若能動東風興朝雲吾志所不讓也

魏志管輅傳註

當今二公有晉之棟楹也吾方希達如榱椽耳不憑

之豈能立乎

晉書劉殷傳

蘭植中塗必無經時之翠桂生幽壑終保彌年之丹

非蘭然而桂親豈塗害而涇利而生滅有殊者隱顯

之勢異也

晉書陸機列傳

司契以不唱為高冕旒以因寄成用

宋書范泰傳

眇眇纖蘿憑喬松以自聳蠢蠢輕蚋託驂尾而遠驚

陳書蔡景歷傳

川澤之大汗潦攸歸松柏之高焉蘿斯託

隋書史祥傳

烟霧可依騰蛇與蛟龍俱遠棲息有所蒼蠅同騏驥

之速因人成事其功不難

隋書李德林傳

助祭者得嘗救鬪者得傷蔽於不祥之木為雷霆所

撲

文子上德

以其所能託其所不能若舟之於車北方有獸名曰

蹶鼠前而兔後趨則跲走則顛常為蛩蛩距虛取甘

草以與之蹶有患害也蛩蛩距虛必負而走此以其

所能託其所不能

呂氏春秋不廣

崙與驥致千里而不飛無糗糧之資而不饑

淮南子說林訓

今人待冠而飾首待履而行地冠履之於人也寒不能煖風不能障暴不能蔽也然而冠冠履履者其所

自託者然也

淮南子人間訓

有鳥於此架巢於葭葦之顛天喟然而風則葭折而巢壞何其所托者弱也稷蜂不攻而社鼠不薰非以稷蜂社鼠之神其所託者善也故聖人求賢者以輔夫吞舟之魚大矣蕩而失水則為螻蟻所制失其輔

也

韓詩外傳

夫朝無賢人猶鴻鵠之無羽翼也雖有千里之望猶不能致其意之所欲至矣是故游江海者託於船致

遠道者託於乘欲霸王者託於賢伊尹呂尚管夷吾

百里奚此霸王之船乘也

說苑尊賢

孔子曰北方有獸其名曰歷前足鼠後足兔是獸也甚矣其愛蚤蚤巨虛也食得甘草必齧以遺蚤蚤巨虛蚤蚤巨虛見人將來必負歷以走歷非性之愛蚤也為其得甘草而遺之故也二獸者亦非性之愛歷而相有報也况於士君子之欲興名利於天下者乎

說苑復恩

鷦鷯巢於葦苕著之髮毛建之女工不能為也可謂

完堅矣。大風至則苔折卵破子死者何也。其所託者使然也。且夫狐者人之所攻也。鼠者人之所燻也。臣未嘗見稷狐見攻。社鼠見燻也。何則所託者然也。說苑

善說

孔子見羅者。其所得者皆黃口也。孔子曰黃口盡得。大爵獨不得何也。羅者對曰黃口從大爵者不得。大爵從黃口者可得。孔子顧謂弟子曰君子慎所從。不得其人則有羅網之患。說苑敬慎  
蓬生泉中不扶自直。白砂入泥與之皆黑。說苑談叢  
依賢固不困。依富固不窮。馬斲斬而復行者何以輔

足衆也。

說苑雜言

鵠思其雄欲隨鳳東。

焦氏易林需之離

媮母為媒請求不得。

焦氏易林蠱之姤

宛馬疾步盲師坐御。目不見路中止不到。

焦氏易林復之蹇

攀龍鱗附鳳翼。巽以揚之勃勃乎其不可及乎。

楊子淵騫

明星皓皓華藻之力也。歟曰若是則奚為不自高曰

皓皓者已也。引而高之者天也。

楊子淵騫

舟不能陸車不能浮。然更相載故曰以其所能託其

所不能也。

呂氏春秋不廣解

河發崑崙。江起岷山。水力盛多滂沛之流。浸下益盛。

不得廣岸低地。不能通流入乎東海。如岸狹地。仰溝  
湍決。洑散在丘墟矣。文儒之知。有似於此。王克論衡  
効力篇

登高而建旌。則其所視者廣矣。順風而振鐸。則其所  
聞者遠矣。非旌色之益明。鐸聲之益遠也。所託者然

也。况居富貴之地。而行其政令者乎。徐幹中  
論爵祿

騰蛇配龍。因霧而躍。雖欲登天。雲罷陸畧。伏非啓體

難以云託。山海經中  
山經圖讚

凡木結根於靈山。而匠石為之寢斤斧。小鮮寓身於

龍池。而漁父為之息網罟。蚊集鷹首。則鴈鵲不敢啄。

鼠住虎側。則狸犬不敢議。抱朴子外  
篇廣譬

綴羽於金鐵。置之于江湖。必也沈溺。陷於泥沙。非羽

質重而性沈。所託沈也。載石於舟。置之江湖。則披風

截波。汎颺長澗。非石質輕而性浮。所託浮也。搏牛之

蚤。飛極百步。若附鸞尾。則一翥萬里。非其翼工。所託

迅也。樓季足捷。追越奔光。若駕疲驪。則日不涉一舍。

非其脛遲。所託蹇也。以是觀之。附得其所。則重石可

浮。短翅能遠。附失其所。則輕羽淪溺。迅足成蹇。劉子  
託附

故霜雁託於秋風。以成輕舉之勢。騰蛇附於春霧。以

希凌霄之游。厲鼠附於蜚蚤。以攀追日之步。碧蘿附

於青松。以茂凌雲之蕊。以夫鳥獸蟲卉之志。猶知因

風假霧託峻附高以成其事。何況於人而無託附以就其名乎。劉子託附

天之始旭則日察輕煙。歲之將暮則蓬卷雲中。日之能見蓬之能高託日之光附風之勢也。劉子託附

夫燕之巢幕銜泥補綴爛若綬紋。雖陶匠逞妙不能爲之。可謂固矣。然凱旋剔幕則巢破子裂。是所託危也。鷦鷯巢葦之莖。紘之以絲髮。珠圓羅縵。雖女工運巧不能爲之。可謂固矣。然蚩風歛至則葦折卵破者何也。所託輕弱使之然也。劉子託附

昔有賣良馬於市者。已三日矣。而市人不顧。乃謂伯

樂曰。吾賣良馬而市人莫賞。願子一顧。請獻半馬之

價。於是伯樂造市來而迎睇之。去而目送之。一朝之

價遂至千金。此馬非昨爲駑駘。今成馱馱也。由人莫

之賞。未有爲之顧盼者也。夫樟木盤根鉤枝。瘦節蠹

皮。輪困擁腫。則衆眼不顧。匠者採焉。製爲殿堂。塗以

丹漆。畫爲黼藻。則百辟卿士莫不顧盼。仰視木性猶

是也。而昔賤今貴者。良工之爲容也。荆礪之珠。夜光

之璧。薦之侯王。必藏之以玉匣。緘之以金滕。若闇以

投人。則莫不相盼。以愕按劍而怒。何者。爲無因而至

故也。若物無所因。則良馬勞於馭闐。美材朽於幽谷。

寶珠觸於按劍。若有所因而至。則良馬一顧千金。樟木光於紫殿。珠擊之玉匣。今人之居代。雖抱才智。幽鬱窮閨。而無所因。未有為之聲譽。先之以吹瑩。欲望身之光名之顯。猶捫虛縛。風煎湯覓雪。豈可得乎。劉子

因顯

幽蘭生乎通谷。而長秀被乎高岑。言有託也。李善註文選陸

士衡悲哉行

枳句來巢。空穴來風。其所託者然。文選風賦

顧葛藟之蔓延。今託微莖於樛木。懼身輕而施重。今

若履冰而臨谷。文選寡婦賦

夫蚊蟲終日經營。不能越階序。附驥尾則涉千里。攀

鴻翮則翔四海。文選王褒四子講德論

北土之性。難以託根。投人夜光。鮮不按劍。文選呂安與嵇茂齊

書

曲蓬何以直。託身依叢麻。黔黎竟何常。政成在良和

文選潘安仁河陽縣作詩

譬彼樛木。蔓葛以敷。文選盧諶贈劉琨詩

楚使使者聘於齊。王饗之於梧宮。使者曰。大哉梧乎。

王曰。江海之魚。必吞舟。大國之樹。必巨圍。使者何怪

焉。文選王仲宣贈文叔良詩註

喻木人事 卷二十六 因託

攀其鱗翼。巧其餘論。附駟驥之旄端。軼歸鴻於碣石。

文選劉孝標廣絕交論

向若垂一鱗。回一翼。令吾子攀其飛騰之執。挂其羽

翼之末。猶奮迅於雲霄之際。騰驤於四極之外。補文選夏

侯湛抵疑

浮萍無根本。非水將何依。廣文選傅林奕明月篇

寄松為女蘿。依水如浮萍。廣文選曹子建閨情詩

靈芝生河洲。動搖因洪波。蘭榮一何晚。嚴霜粹其柯

哀哉二芳草。不植泰山阿。廣文選韋孟鄺文勝詩

有階者易成。基無因者難。成時意林周生烈子

如彼葛藟。衍於樛木。藝文類聚歲時部三月三日詩

假勢風雲。非由羽翮。藝文類聚職官部吏部尚書詩

地均指日。既無跡而成。高仕若乘風。故不行而自遠

藝文類聚職官部儀同章

傍玉流溫。依蘭染薰。藝文類聚人部友悌詩 **梁簡文詩**

孟嘗君寄客於齊王。三年不見用。客反見孟嘗君曰

不知臣罪耶。君之過也。孟嘗君曰。縷因針而入。不因

針而急。夫子之才必薄矣。客曰。不然。臣見鷦鷯巢於

葦之苕。鴻毛著之。已建之安。工女不能為。可謂完堅

矣。大風至。則苕折。卵破者。其所託者使然也。藝文類聚鳥部



唯木  
卷二十六  
鶴鶴

附蒼蠅於驥尾。託明鏡於朝光。

藝文類聚人部贈答賦

燕鼎在舟。雖重不沈。

藝文類聚人部贈答詩

晉索靖答阮德操詩

如懸蘿之附松。似浮萍之託津。

藝文類聚人部哀傷賦

青青女蘿草。上依高松枝。幸蒙庇眷恩。為惠不可訾。

太平御覽 藥部荑絲

譬如蓮花。不生陸地。滋濕之處。乃生是花。

三十六部尊經按魔

經偈

譬如大地。以種散中。眾緣和合。則得生長。應知大地

與種生長。為所依止。為能建立。

波羅蜜多經卷一

設空箱篋。由曾置珠。其器仍為眾人愛重。

波羅蜜多經卷八

如有女人。端正巨富。若無強夫所守護者。易為惡人

之所侵凌。

波羅蜜多經卷三百五十一

如人依王。雖極貧賤。而不被辱。

波羅蜜多經五百八十三

譬如有人。善解斷事。曾於無量長者居士商賈眾中

數數斷事。有匱乏之故。頻於長者居士等所借便財物

恐他來索。無力酬還。遂依附王。冀免拘繫。時諸債主

怖畏王。故不敢牽掣。挫辱彼人。所以者何。彼所依附

王力甚大。難可當敵。

波羅蜜多經五百八十三

若是珠在篋中。雖舉珠去。以珠功德故。其篋則貴。

小品

命木人事

卷二十六

因託

八

波羅蜜經卷二

如依牛糞生蟲糞非是蟲。蟲非離糞。然依於糞。因緣

和合蟲乃得生。身作黃色。大寶積經卷五十六

如依棗生蟲。棗非是蟲。蟲非離棗。然依於棗。因緣和

合蟲乃得生。身作赤色。大寶積經卷五十六

如依青草。蟲乃得生。草非是蟲。蟲非離草。然依於草

因緣和合。蟲乃得生。身作青色。大寶積經卷五十六

如依酪生蟲。身作白色。大寶積經卷五十六

譬如一切種子叢林。皆依大地之所生長。若地壞者

彼亦隨壞。大寶積經卷一百一十九

譬如射師有諸弟子。雖未慣習其師。拔藝然其智慧

方便善巧。餘一切人所不能及。大方廣佛華嚴經卷七十八

譬如黑蜂。依船而位。游於大海。隨船飄蕩。大乘密嚴經卷上

譬如有人。鞘中拔刀。彼作是念。鞘異。刀異。而刀從鞘

出。又如有人。合麻為繩。彼作是念。麻異。繩異。而繩從

麻出。又如有人。篋中出蛇。彼作是念。篋異。蛇異。而蛇

從篋出。又如有人。從簾出衣。彼作是念。簾異。衣異。而

衣從簾出。長阿含經卷十三

如人依於椳。安隱至彼岸。阿育王經偈基四

譬如近尊者。必當獲大利。修行道地經慈品

命木人事。卷二十六。因託

十七

世間有二知識常與人為因緣令人得大罪亦令人  
 得大福何謂二知識一者惡知識二者善知識譬如  
 賊帥造惡逆殺害君父破亂天下眾生被毒殃無不  
 加與之從事令人得大罪如釋迦文菩薩發意求道  
 救度眾生四等四恩接護一切三界五道靡不蒙度  
 也所謂善知識與之從事令人得大福雜譬喻經上  
 譬如香在器中香雖去餘氣故在大智度論卷二  
 譬如曲草生於麻中不扶自直大智度論卷十四  
 譬如沈石雖重依船得度大智度論卷十五  
 譬如重囚應死有勢力者護則受鞭杖而已又如王

子雖作重罪以輕罰除之以是王種中生大智度論卷二十七  
 譬如毒蛇欲食蝦蟇常隨逐之蝦蟇到摩祇藥所蛇  
 聞藥氣毒即消歇大智度論卷五十六  
 如人攀緣枝葉則墜落若促莖榦則堅固大智度論卷六十八  
 故願憑流颺以託鱗翮弘明集釋何衡陽達性論

翰林卷二十六終

翰林卷二十七

宣城華陽徐元太汝賢父編輯

猶子徐胥慶無猜父校

徐朋慶壽如父閱

人事門二十五

勸助

誰能亨魚漑之釜鬻音尋誰將西歸懷之好音詩國風匪風

之子于狩言韞音暢其弓之子于釣言綸之繩詩小雅采綠

衡門誘僖公也愿而無立志故作是詩以誘掖其君

也毛詩衡門

婦子來饋饗其農人於田野乃逆而媚愛之言勸其

事勞不自苦鄭氏箋詩載芟

人見池水之竭盡矣豈不言云由其外之濱厓無水

以益之故也以喻人見王政之喪亂矣豈不言曰由

其外之羣臣無賢以佐之故也人見泉水之枯竭矣

豈不言云由其內之地中無水以生之故也以喻人

見王政危亂矣豈不言曰由其內之妃后無德以助

之故也七詩正義召吳

人之相與也譬如舟車然相濟逢也已先則援之彼

先則推之是故人非人不濟馬非馬不走土非土不

高水非水不流大戴禮記曾子制言上

夫二子者或輓之或推之欲無入得乎左傳襄公十四年

晉禦其上戎亢其下譬如捕鹿晉人角之諸戎犄之

與晉踣之左傳襄公十四年

人有言曰無過亂人之門又曰佐雖者嘗焉佐鬪者

傷焉國語周

衛非強於趙也譬之衛矢而魏弦機也藉力魏而有

河東之地戰國策齊閔王

斯何異燎之方盛又搗膏以熾之哉吳志張温傳註

小水不容大舟若縱才力足以濟事亦不假君為鱗

翼

晉書桓謙傳

乘釁之徒因翼生羽

北史周本紀上

世之君子欲其義之成而助之脩其身則愠是猶欲

其墻之成而人助之築則愠也豈不悖哉

墨子貴義

今有燎者此於一人奉水將灌之一人摻火將益之

功皆未至子何貴於二人巫馬子曰我是彼奉水者

之意而非夫摻火者之意

墨子耕柱

且有二生於此善星一行為人筮者與處而不出者

其精孰多公孟子曰行為人筮者其精多子墨子曰

仁義鈞行說人者其功善亦多何故不行說人也

墨子

公孟子

今夫世亂求美女者眾美女雖不出人多求之今求

善者寡不强說人人莫之知也

墨子公孟子

夫子三侵魯而綽三從是鼓鞭於馬靳也

墨子魯問

使失路者而肯聽習問知即不成迷也今眾人之所

以欲成功而反為敗者生於不知道理而不肯問知

而聽能

韓非子解老

雖有堯之智而無眾人之助大功不立有烏獲之勁

而不得人助不能自舉有賁育之彊而無法術不得

長生

韓非子觀行

喻木人事

卷二十七勸助

三

唯林  
卷二十一  
三  
佐祭者得嘗。佐鬪者得傷。陰不祥之木。為雷霆所撲。

淮南子 重出 說林訓

比目之魚。所以不見得於人者。以偶視而俱走也。今

秦有兼吞天下之志。日夜伺間。不忘於側息也。趙魏

與之隣接。而強弱不敵。秦所以不敢圖并。趙魏者徒

以二國併日周旋者也。孔叢子 論勢

始皇方獵六國而翦牙款。楊子 淵騫

次四翕其羽。利用舉測。曰翕其羽。朋友助也。太玄經 第五翕

日雖暮。長庚星在前扶助。常有光明也。前漢書註 禮樂志

翼戴崇獎。以成帝業。若車之行。助推其轂。故得引重

而致遠也。前漢書註 燕王傳

曳纖經於前。鳴長根於後。所以驚魚令入網也。李善註 文選 西

征賦

飛塵增山。霧露增海。事類賦 天 張衡奏事 部露註

紼謳所生。必於斥苦。司馬彪曰。斥。疏緩也。苦。用力也。

引紼。所以有謳歌者。為人用力不齊。故促急之也。困學

紀聞卷 十諸子

敬竭燭火之見。仰助陽暉之明。玉皇本行集經

譬如熾火將大木薪。擲置其中。如是數數擲中其火

轉增熾盛不減。發覺淨心經 卷上衣四

喻水人事 卷二十一 勸助

譬如國王遣兵有所攻擊兵弱欲不如王復遣兵往助之兵便得勝人有諸惡如兵少弱時人持善心消滅惡心譬如王增兵得勝持五善心消五惡心譬如戰鬪得勝是為精進助善如是那先比丘經卷上昔有一聚落去王城五由旬村中有好美水王勅村人常使日日送其美水村人疲苦悉欲移避遠此村去時彼村主語諸人言汝等莫去我當為汝白王改五由旬作三由旬使汝得近往來不疲即往白王王為改之作三由旬眾人聞已便大歡喜有人語言此故是本五由旬更無有異雖聞此言信王語故終不

肯捨世間之人亦復如是修行正法度於五道向涅槃城心生厭倦便欲捨離頓駕生死不能復進如來法王有大方便於一乘法分別說三小乘之人聞之歡喜以為易行修善進德求度生死後聞人說無有三乘故是一道以信佛語終不肯捨百喻經卷上助成我者三十七道品猶人有眷屬相助成者也僧肇

註維摩詰經菩薩行品

### 食報

積善之家必有餘慶積不善之家必有餘殃易坤天下人行善者皆欲速得其福恬然者少也以為福



祿在天求之無益舍置仁義不求為善是由農夫任天不復耘治其苗也其遲福欲急得之者由此掘苗人也非徒無益於苗乃反害之趙氏註孟公孫丑上

是謂農夫盡力他食其秋魏書孫紹傳

利出者實及怨往者害來發於此而應於外者唯請

是故賢者慎所出列子說符

其施厚者其報美其怨大者其禍深薄施而厚望畜

怨而無患者古今未之有也淮南子繆稱訓

聖王布德施惠非求報於百姓也郊望禘嘗非求報於鬼神也山致其高雲雨起焉水致其深蛟龍生焉

君子致其道德而福祿歸焉夫有陰德者必有陽報

有隱行者必有昭名說苑貴德

眾正之積福無不及也眾邪之積禍無不逮也說苑談叢

見言出則響入形往則影來明報應之理不異於此

也張湛註列子說符

塗遠者其至必遲施厚者其報常晚抱朴子外篇廣譬

影響不能無形聲以著餘慶不可以無德而招抱朴子外

篇廣譬

得報不同猶如聲發聲發不異隨處應響大小不同

海空智藏經序品

小則報小大則報大如規如矩如繩如墨皆相應赴

分毫不差海空智藏經序品

譬如有人臨空而語聲響彼谷反應無差若作鄙言

響還即鄙若作善聲響還即善若作歌聲響還即歌

若作哭聲響還即哭若作大聲響還即大若作小聲

響還即小若作中聲響還即中若相召喚海空智藏經序品

人為陽善吉人報之人為陰善鬼神報之人為陽惡

賊人治之人為陰惡鬼神治之故天不欺人依以影

地不欺人依以響養性延命錄教誡篇

父如穀子母如好田先世因緣罪福如雨澤衆生如

穀生死如收刈三昧法門經卷上

擊人得擊行怨得怨罵人得罵施怒得怒法句經惡行品

惡不即時如犂牛乳罪在陰伺如灰覆火法句經惡行品

譬如勲勞既立然後受其功賞大智度論卷三十六

懷善者應之以祚挾惡者報之以殃未有種稻而得

麥施禍而獲福者也弘明集牟子理惑論

僖負騎以一殮之惠全其所居之間宣孟以一飯之

故活其不貲之軀陰施出於不意陽報皎如白日况

傾家財發善意其功德巍巍如嵩泰悠悠如江海矣

弘明集牟子理惑論

殺生者當作蜉蝣。朝生暮死。劫盜者當作猪羊。受人屠割。媯逸者作鶴。鶩麀麋。兩舌者作鷄。梟鵂。鴟。捍債者為驢。騾。牛。馬。法苑珠林卷七

至如揚生養雀。寧有意於玉環。孔氏放龜。本無情於金印。而冥期弗爽。雅報斯臻。法苑珠林卷六十五

夫有形則影現。有聲則響應。未見形存而影亡。聲續而響乖。善惡相報。理路然矣。法苑珠林卷七十

相依

域中有萬國。使之各相親比。猶地上有水流通。相潤及物。周易正義比

賁其須者。須是上須於面。六二常上附於三。若似賁

飾其須也。周易正義賁

餅之罄矣。維罍之恥。詩小雅

我行其野。蔽芾其樗。音樞○我行其野。言采其遠。音逐

○我行其野。言采其菑。音福○詩小雅

雖渠水鳥而今在原。失其常處。則飛則鳴。求其類天

性也。猶兄弟之於急難。鄭氏箋詩棠棣

旄丘之葛兮。何為闕之節兮。以當蔓延相及。以興方

伯之國兮。何為使之連屬兮。亦當憂患相及。毛詩正義旄丘

諺所謂輔車相依。唇亡齒寒者。其虞虢之謂也。左傳僖公

五年

餅是小器常稟受於罍今餅罄盡罍更無物以共餅  
惟是罍之恥也餅喻周罍喻晉言周之微弱相依恃  
於晉今王室亂矣晉無力以助之是晉之恥也春秋正義

昭公二十四年

東方有比目魚焉不比不行其名謂之鰈音蝶南方有

比翼鳥焉不比不飛其名謂之鷦鷯音兼西方有比肩

獸焉與邛邛距音巨虛比為邛邛距虛齧甘草即有難

邛邛距虛負而走其名謂之歷音厥北方有比肩民焉

迭食而迭望中有枳首蛇焉此四方中國之異氣也

爾雅

尚靳使秦謂秦王曰韓之於秦也居為隱蔽出為鴈

行今韓已病矣秦師不下殺臣聞之唇揭者其齒寒

願大王之熟計之戰國策韓襄王上

比目之魚不相得則不能行故古人稱之以其合兩

而如一也今山東合弱而不能如一山東之智不

如魚也又譬如車士之引車也三人不能行索二人

五人而車因行矣今山東三國弱而不能敵秦索二

國因能勝秦矣然而山東不知相索者智故不如車

士矣胡與越人言語不相知志意不相通同舟而凌

水人事

卷二十一 相依

七

波至其相救助如一也。今山東之相與也如同舟而濟。秦之兵至不能相救助如一。智不如胡越之人矣。

三物者人之所能為也。山東主遂不悟此臣之所為

山東苦也。戰國策燕王噲

且趙之於齊楚扞蔽也。猶齒之有唇也。唇亾則齒寒。

今日亾趙。明日患及齊楚。且救趙之務。宜若奉漏甕

沃焦釜也。史記田完世家

夫天之與帝。帝之與人。猶頭之與足。相須而行也。後漢

書劉陶傳

周訪與侃親姻如左右手。安有斷人左手而右手不

應者乎。晉書陶侃傳

天之生朋。以為夷吾舌也。其身死。舌焉得生哉。管子戒

凡棺槨之相待。猶唇齒之相依。唇亾齒寒。不可異處

也。夫四夷守外。諸夏待內。內外相依。天下安矣。公孫龍子

白馬論註

出則為扞蔽。入則為蓆薦。韓非子存韓

人稟五常。三焦九竅。風火遞相兼濟。以一位虧四體

羸焉。京氏易傳註

夫虞之有虢也。如車之有輔。輔依車。車亦依輔。虞虢

之勢正是也。韓非子十過

母子相養猶衣裳相扶也。

太玄經第四迎解

秦晉固唇齒之國也唇亡則齒寒齒落則唇壓今秦

方以晉為唇也而先有寒齒之心

天祿閣外史傷時

唇亡齒寒毛落皮單

武侯十六策陰察

寄松為女蘿依水如浮萍

曹子建閨情

天下莫不相為彼我而彼我皆欲自為斯東西之相

反也然猶唇齒未嘗相為而唇亡則齒寒故彼之自

為濟我之功弘矣斯相反而不可相無者也

郭子註莊秋水

嬰與夫共相提挈有人生平慕嬰夫後見其失職而

頗慢弛如此者共排退之不復與交譬如相對挽繩

而根格之也

前漢書註灌夫傳

廣志曰鱉魚似便面雌常負雄而行失雄則不能獨

活

李善註文選江賦

夫將相大臣均體元首共輿而馳同舟而濟輿傾舟

覆患實共之

廣文選朱公肅奏記梁冀

蟹與距虛乍兔乍鼠長短相濟彼我俱舉有若自然

同心共脊

藝文類聚祥瑞部比肩獸贊

夫城之有郭猶裏之有表骨之有皮表裏各異則係

障不完皮骨分離則一體不負

太平御覽居處部郭

白蘭王吐谷渾阿柴臨卒呼子弟謂曰汝等各奉吾

一隻箭將玩之地下俄而命母弟慕延曰取汝一隻  
箭折之延折之又曰汝取十九隻箭折之延不能折  
柴曰汝曹知單者易折衆則難摧勦力一心然後社

稷可固太平御覽  
兵部箭

君者民之源也民者君之根也根傷則華實不生源

衰則流沫不盈上下相係故能長久道德經指  
歸卷八

譬如三蘆立於空地展轉相依而得豎立若去其一

二亦不立若去其二一亦不立雜阿含經  
卷十二

轉相依倚譬如鼓音如弓絃箭而相恃怙不合不別

修行道地  
經觀品

在於世間問相依譬如盲跛相倚行修行道地  
經觀品頌

譬如嬰兒不應離母又如行道不離糧食如大熱時

不離涼風冷水如大寒時不欲離火如度深水不應

離船譬如病人不離良醫大智度論  
卷二十九

譬如盲跛相假能去百論卷  
上守八

### 相資

雷資風而益遠風假雷而增威周易正  
義恒

風薄相扶而上朋友相須而成毛詩谷  
風註

原也隰也以相與聚居之故故能定高下之名猶兄

弟相求故能立榮顯之名鄭氏箋  
詩棠棣

潤澤是雨之事但雨得風乃行則潤澤亦由風故易

曰潤之以風雨是風雨共為潤澤毛詩正義谷風

維生長之谷風能及於焚輪謂之類使之旋轉而升

是風薄相扶而上也以與良朋能佐於善友使之道

德益進是朋友相率而成也毛詩正義谷風

子不通功易事以羨補不足則農有餘粟女有餘布

子如通之則梓匠輪輿皆得食於子孟子滕文公下

山海經云崇丘之山有鳥狀如鳧一翼一目相得乃

飛名云蠻史記封禪書註

夫日譬猶火月譬猶水火則外光水則含景故月光

生於日之所照魄生於日之所蔽當日則光盈就日

則光盡也後漢書志天文上註

故不有行者誰扞牧圉譬若唇齒表裏相資晉書明帝紀

寇難至。蹙者告盲者盲者負而走兩人皆活得其所

能也。故使盲者語使蹙者走失其所也淮南子說山訓

夫善歌者使人續其聲善作者使人紹其功惟車之

蟬攫負子之教也。周道之成周公之力也雖有裨謀

之草創無子產之潤色有文武之規矩而無周呂之

鑿衲則功業不成鹽鐵論非鞅

羊腸九縈相推併前焦氏易林履之師



軍有前後猶如捕獸一人捉角一人戾足

李善註文選陳孔璋

為袁紹檄

器之於事如影之隨形響之應聲其相須如左右手

太平御覽兵部叙兵器

論 氣之相守司也如權衡之不得相失也

黃帝素問內經至真要大

譬如一人能刈一人能束

三昧法門經卷下

有慧無多聞。是不知實相。譬如大暗中有目無所見。

多聞無智慧。亦不知實相。譬如大明中有燈而無目。

大智度論卷五

如一人種穀一人耘除眾穢令得增長果實成就

大智

慶論卷二十九

如針導縲縫衣縫非針也

大智度論卷三十

但有月而無日。則萬物濕壞。但有日而無月。則萬物

焦爛。日月和合。故萬物成熟。

大智度論卷七十九

有待

鹿之奔走其勢宜疾。今乃維足伎伎然安舒而稽留

以待其牝鹿而俱走也。雄雉之於朝旦。雌然而鳴。猶

為求其雌雉而並飛也。鹿雉猶得偶以俱遊

毛詩正義小弁

毛羽不豐滿者。不可以高飛。文章不成者。不可以誅

罰道德不厚者不可以使民政教不順者不可以煩

大臣

戰國策秦惠文君

雖有犀舟勁楫猶人涉邛否有須者也

後漢書張衡列傳

然荆玉含寶要俟開瑩幽蘭懷馨事資扇發

宋書臧熹傳

譬乘舟之待楫象提釣之假縷

宋書謝靈運傳

至乃趙儲之命宜求須扁鵲而後全齊后之數必延

待文摯而後濟

宋書顧凱之傳

然霜葉將淪非勁颼無以速其擗天之所棄非假手

無以殲其人

魏書田益宗傳

今羽翮未備不得不就籠檻

南史范雲傳

管仲鮑叔相謂曰君亂甚矣必失國齊國之諸公子

其可輔者非公子糾則小白也與子人事一人焉先

達者相收管仲乃從公子糾鮑叔從小白國人果弑

君小白先入為君魯人拘管仲而效之鮑叔言而相

之故諺曰巫咸雖善祝不能自祓也秦醫雖善除不

能自彈也以管仲之聖而待鮑叔之助此鄙諺所謂

虜自賣裘而不售士自譽辯而不信者也

韓非子說林下

且夫百日不食以待梁肉餓者不活今待堯舜之賢

乃治當世之民是猶待梁肉而救餓之說也

韓非子難勢

鼓不滅於聲故能有聲鏡不沒於形故能有形金石

有聲弗叩弗鳴管簫有音弗吹無聲淮南子 詮言訓

足以履者淺矣然待所不履而後行智所知者褊矣

然待所不知而後明淮南子 說林訓

次五黃菌不誕俟于慶雲測曰黃菌不誕俟速耦也

太玄經 第三更

鳥須羽而飛矢須羽而前也釋名

飾拭也物穢者拭其上使明由他物而後明猶加文

於質上也釋名

有果蓏之物在人之前去口一尺心欲食之口氣吸

之不能取也手掇送口然後得之夫以果蓏之細員

且夫懸象不麗天則不能揚大明灼無外嵩岱不託王克論衡 變動篇

地則不能竦峻極概雲霄兔足因夷塗以騁迅龍艘

汎激流以效速離光非燧人不熾楚金非歐冶不剡

豐華俟發春而表艷棲鴻待衝飈而輕戾四嶽不明

揚則有鰐不登庸叔牙不推賢則夷吾不式厚抱朴子外

篇窮 達

馬必待乘而後致遠醫必待使而後愈疾賢者待用

而後興理意林物 理論

寶劍未砥猶乏切玉之功美箭闕羽尚無衝石之勢

溫子昇為安豐王讓祭酒表

况才非會稽之竹。質謝昆吾之金。

藝文類聚職官部祭酒表

以為海之明珠未耀其光。鳥之鳳凰羽儀未翔。

何氏語林

言語謝承後漢書

譬如雪山多諸藥草。猶如種植處處出生。有大良醫

成就明智。知諸藥性差別。功能隨病所須。於中採取

其諸捕獵放牧之人。遊止其中。不見不止。况能採取

大方廣佛華嚴經卷八

譬如山谷響皆從眾緣生。

無盡意菩薩經八

如影映光則現。不映則無。

大智度論卷六

譬如牛力雖能挽車。要須御者能有所至。

大智度論卷七

如象没泥。非象不能出。

大智度論卷二十九

法寶雖為佛師。若佛不說法為無用。如雖有好藥。若

無良醫。藥則無用。

大智度論卷三十

譬如深井美水。若無綆者。無由得水。

大智度論卷四十九

譬如惡風塵土。諸熱毒氣。等得雨則消滅。

大智度論卷五十五

譬如良藥能破眾病。若不能將順。則不除患。非藥之

失。又如瘴人。雖得利器。不能禦難。非器之過。

大智度論卷六

如賈客大將。雖乘快馬。能疾到所止。故待眾人。

大智度論

卷八十三

何木人事

卷二十一 有侍

十七

鐘鼓豈有自鳴者。桴加而有聲矣。

弘明集牟子理惑論

### 勝人

二人同術。誰昭誰瞑。二虎同穴。誰死誰生。

汲冢周書周祝解

瓌以百口一擲。出手得盧矣。

南史張裕求子瓌傳

狡勝賊能捕賊。勇勝虎能捕虎。能克已乃能成已。能

勝物乃能利物。能忘道乃能有道。

關尹子九藥

勇士一人。雄入於九軍。將求名而能自要者。而猶若

是。

莊子德克符

戰勝而天下曰善。非善之善者也。故舉秋毫不為多力。見日月不為明目。聞雷霆不為聰耳。古之所謂善

戰者。勝於易勝者也。

孫子軍形

子夏見曾子。曾子曰。何肥也。對曰。戰勝故肥也。曾子

曰。何謂也。子夏曰。吾入見先王之義。則榮之。出見富

貴之樂。又榮之。兩者戰於胷中。未知勝負。故臞。今先

王之義勝。故肥。是以志之難也。不在勝人。在自勝也。

故曰。自勝之謂強。

韓非子喻老

有提十萬之衆。而天下莫當者。誰曰桓公也。有提七

萬之衆。而天下莫當者。誰曰吳起也。有提三萬之衆。

而天下莫當者。誰曰武子也。

尉繚子制談

猶良驥騄耳之馱。彼駑馬。鬻與角逐。何能紹吾氣哉。

尉繚子制談

大夫憊然內慚四據而不言當此之時順風承意之士如編口張而不歛舉舌而不下闇然而懷重負而見責大夫曰諾膠車修逢雨請與諸生解鹽鐵論大論君子之求勝也以推讓為利銳以自修為棚櫓靜則閉嘿泯之玄門動則由恭順之通路是以戰勝而爭不形敵服而怨不構劉邵人物志釋爭夫物之相勝或以筋力或以氣勢或以巧便小有氣勢口足有便則能以小而制大大無骨力角翼不勁則以大而服小王克論衡物勢篇

夫人以刃相賊猶物以齒角爪牙相觸刺也力強角利勢烈才長則能勝氣微爪短膽小距頓則服畏也

王克論衡物勢篇

人有勇怯故戰有勝負勝者未必受金氣負者未必得木精也王克論衡物勢篇

惟正德以至道服之佞人以才辯奪之故能泥撓之也莊子音義則陽

三軍可奪氣將軍可奪心李善註文選孫子荆為石仲容書

齊之辯士田巴辯於狙丘議於稷下毀五帝罪三王訾五伯離堅白合同異一日而服千人有徐劫者其

弟子曰魯連謂劫曰臣願得當田子使之不敢復談可乎徐劫言之田巴曰劫弟子年十二耳然千里之駒也願得侍議於前田巴曰可魯連曰臣問堂上之糞不除郊草不芸白刃交前不救流矢何則急者不救則緩者非務楚軍南陽趙伐高唐燕人十萬之衆在聊城而不去國亾在旦暮耳先生將奈何田巴曰無奈何魯連曰夫危不能爲安亾不能爲存則無爲貴學士矣今臣將罷南陽之師還高唐之兵却聊城之衆爲所貴談談者其若此也先生之言有似梟鳴出聲而人惡之願先生之勿復談也田巴曰謹聞教

明日見徐劫曰先生之駒乃飛兔驪裏也豈特千里

哉於是朴口易業終身不復談太平御覽人事部辯下

莊子謂惠子曰羊溝閩雞之雞三歲爲秣秣魁相者

視之則非良雞也然數以勝人者以狸膏塗其頭也

雞畏狸故也○  
雜文類聚閩雞

人有善於射而高於顧子顧子曰子之射雖百中猶

不若我之以彈或曰何以爲然顧子曰子之所射射

狸之皮耳我之所彈彈狐之心太平御覽工藝部彈

辛所謂金城湯池無可攻之勢何氏語林文學

如善射夫住所習處不爲一切怨敵所伏能伏怨敵

離諸怖畏

波羅蜜多經 五百八十三

夫大刀者謂般若刀夫大劍者謂般若劍夫大力者

謂般若力是故般若波羅蜜多非諸惡魔所行境地

波羅蜜多經 五百九十九

譬如師子有大威力獨步無畏離驚恐故

金光明最勝王經卷

四

譬如幼童若男若女為大丈夫之所呵叱此幼男女

於後異時聞是人名驚恐怖畏

大寶積經卷二

譬如阿夜捷多鐵此鐵少分悉能毀壞一切餘鐵諸

鈎鎖縛

大方廣佛華嚴經卷五十九

如好磁石少分之力即能吸壞諸鐵鈎鎖

大方廣佛華嚴經卷

七十

譬如貓狸纔見於鼠鼠即入穴不敢復出

大方廣佛華嚴經卷

七十

如有磁石鐵若見之即皆散去無畱住者

大方廣佛華嚴經卷

七十

如一健兒破一切賊復更有人能破此健人

大智度論三十

一

向者勅對並無遺力汝城隍嚴固攻者喪師

高僧傳七釋僧

徹



外國破敵得勝則豎勝幡道場降魔亦表其勝相也

羅什譯維摩詰經佛道品

譬善射之人發無遺物雖輕翼迅逝不能翔其舍猶

維摩詰辯慧深入言不失會故五百應真莫敢闕其

門羅什譯維摩詰經弟子品

獅子吼無畏音也凡所言說不畏羣邪異學諭獅子

吼眾獸下之僧肇註維摩詰經佛國品

### 無方

吾聞宗廟之器不要華林之木四門之賓何必冠蓋之族前賢有解韋索而佩朱韞舍徒擔而乘丹轂由

此言之何恤而無祿晉書王沈傳

秀異固產於方外不出於中域也是以明珠文貝生

於江鬱之濱夜光之璞出乎荆藍之下故以人求之

文王生於東夷大禹生於西羌晉書華譚傳

命世大才經綸名教者不必華宗夏士撥煩理亂澄

氣濟世者亦未必八索九丘五經之外冠冕之表復

自有人晉書僞檀傳

琳琅出於崑領明珠生於海濱若必以地求人則文

命大夏之棄夫姬昌東夷之擯士但當問其文彩何

如不可以區宇格物晉書姚興上傳

十步之內必有芳草四海之內豈無奇秀隋書煬帝上帝紀

虬屯犁牛既拊以脩決鼻而羈生子而犧尸祝齋戒

以沈諸河河伯豈羞其所從出辭而不享哉淮南子說山訓

十步之澤必有香草十室之邑必有忠士說苑談叢

龍生無常或託空桑憑乘風雲為堯立功

人之善惡不必世族性之賢鄙不必世俗中堂生負

苞山野生蘭芷夫和氏之璧出於璞石隋氏之珠產

於蜃蛤詩云采葑采菲無以下體故苟有大美可尚

於世則雖細行小瑕曷足以為累乎潛夫論論榮

白雉貢於越暢草獻於宛雍州出玉荆揚生金珍物

產於四遠幽遼之地未可言無奇人也王克論衡超奇篇

母驪犢駢無害犧牲祖濁裔清不勝奇人王克論衡自紀篇

鳥無世鳳皇獸無種麒麟人無祖聖賢物無常嘉珍

王克論衡自紀篇

士貴故孤興物貴故獨產文孰常在有以放賢是則

澧泉有故源而嘉禾有舊根也王克論衡自紀篇

丹華綠草不拘於曲瘁之株紫芝芳秀不限於斥鹵

之壤是以受玄珪以告成者生於四罪之門承歷數

於文祖者出頑嚚之家抱朴子外篇博喻

銳鋒產乎鈍石明火熾乎闇木貴珠出乎賤蚌美玉

喻木人事

卷二十七 無方

三

出乎醜璞。是以不可以父母限重華。不可以祖禰量

衛霍也。抱朴子外篇博喻

夜光之珠不必出於孟津之河。盈握之璧不必採於

崑崙之山。大禹生於東夷。文王生於西羌。聖賢所出

何必常處。世說新語

弭仲叔高德美名。命世之才也。非弭氏小族所當有。

新豐瘠土所當出也。藝文類聚人部品藻

藜臺之壁。少海之珠。何必鄉里。所在為貴。文苑英華徐陵贈答

中書

郭泰拔申屠子陵於漆工之中。嘉許偉康於屠酤之

肆。太平御覽資產部肆

金生砂礫。珠出蚌泥。歎茲窈窕。產于卑微。初學記人部短人註

丹泉之珠。沈於黃泥。璠璣之寶。藏於裔石。初學記寶器部珠註

然重華無嚴父。放勛無令子。亦各由已耳。何氏語林德行南史

僧虔戒子書

譬如樹。名曰無根。不從根生。而枝葉華果。悉皆繁

茂。大方廣佛華嚴經卷七十八

譬如遮迦越羅。與青衣交通。却後生子。具足成遮迦

越羅相。雖從青衣生。由為是遮迦越羅子也。佛遺日摩尼寶

經推六

任搬道編

如伊蘭中牛頭梅檀。如若種中生甘美菓。

大智度論卷二

譬如服藥以除病為主。不擇貴賤大小。

大智度論卷十

譬如蓮花。出自淤泥。色雖鮮好。出處不淨。

大智度論卷十四

如練山石中而取於真金。譬如伊蘭木相瑳便火出。

亦如淤泥中生。出青蓮華。不觀所生處。唯觀於德行。

大莊嚴經論卷七

夫由余出自西戎。輔秦穆以開霸業。日殫生於北狄。

侍漢武而除危害。臣既有之。師亦宜爾。何必取同俗。

而捨其異方乎。

法苑珠林卷五十五

夫絕羣之駿。非唯中邑之產。曠代之珍。不必諸華之。

物。漢求西域之名馬。魏收南海之明珠。貢犀象之牙。

角。採翡翠之毛羽。物生遠域。未可非珍。佛出遐方。柰。

何獨棄。

法苑珠林卷五十五

喻林卷二十八

宣城華陽徐元太汝賢父編輯

猶子徐胥慶無猜父校

徐衍慶伯蕃父閱

人事門 二十六

才盛

肅肅兔且椽之丁丁音起起武夫公侯于城○肅肅

兔且施于中遠起起武夫公侯好仇○肅肅兔且施

于中林起起武夫公侯腹心詩國風

視彼中原之野其諸禽獸大而甚有故儻儻然有趨

者俟俟然有行者其趨行或三三為羣或二二為友

毛詩正義吉日

夫十步之間必有茂草十室之邑必有忠信是故亂

殷有三仁小衛多君子後漢書王符列傳

方斯之際處士山積學者川流衣裳被宇冠蓋雲浮

譬猶衡陽之林岱陰之麓伐尋抱不為之稀執拱把

不為之數悠悠罔極亦各有得彼採其華我收其實

後漢書崔駰列傳

譬猶鍾山之玉泗濱之石累珪璧不為之盈採浮磬

不為之索後漢書蔡邕列傳

方今朝士山積髦俊成羣猶鱗介之潛乎巨海毛羽

之集乎鄧林游禽逝不為之鈔浮魴臻不為之殷蜀志

郤正傳

聞延陵之理樂觀吾子之治易乃知東南之美者非

徒會稽之竹箭也吳志虞翻傳

自時厥後龍宗有麟鳳集有翼華陽國志

信乃金相玉潤埜會川冲埒美前修垂裕來葉晉書文苑

傳

以八紘之廣兆庶之衆豈當無卓越雋逸之才乎譬

猶南海不少明月之寶大宛不乏千里之駒也晉書華譚

始知天族多奇玉林皆寶晉書慕容超傳

抱玉者連肩握珠者踵武梁書鍾嶸傳

人謂得玄珠於赤水策奔電於崑丘開四照於春華

成萬寶於秋實北齊書文苑傳

叅之有隋多士取其開物成務皆廊廟之榱桶亦北

辰之衆星也隋書李諤史臣傳

造父攝轡馬無駑良皆可取道周公之時士無賢不

肖皆可與言至治鹽鐵論利議

伯虎仲熊德義洵美焦氏易林坤之姤

大都王市稠人多寶焦氏易林損之萃

乃屯轍我車前後千乘齊以玉為車轄並馳左右言

從已者衆皆有玉德宐輔千乘之君也王逸注楚辭離騷經

大國多良才警海出明珠曹子建贈丁廙

千龍並馳萬驥徂征紛紜交競逝若流星嵇中散集卜疑集

經世之士悠悠皆是一日無君惶惶如也譬猶藍田

之積玉鄧林之多材良工大匠肆意所用亦何必棲

魚而沈鳥哉抱朴子外篇逸民

或以文藝而龍躍或以武功而虎踞抱朴子外篇自序

披其藁薄非無香草視其涯岍皆有潤珠書品

崑山積瓊玉廣厦構衆材游鱗萃靈沼撫翼希天階

文選潘尼贈王元貺詩

家有千里驥而不珍焉人懷盈尺和氏而無貴矣

文選

曹植與吳季重書

龍德時乘羣才雲駭藹若鄧林之會逸翰爛若溟海

之納奔濤補文選郭璞客傲

羈九有之奇駿咸總之於一朝豈惟豐沛之英南陽

之豪昆吾挺鋒驪驪軒髦杞梓競敷蘭蕙爭翹嚶聲

冠於伐木援類繁乎拔茅是以水無浪士巖無幽人

刈蘭不暇爨桂不給安事錯薪乎補文選郭璞客傲

如彼和肆莫匪瓊瑤如彼儀鳳樂我雲韶補文選潘尼釋奠頌

如彼崑山列此琚玉藝文類聚歲時部三月三日詩

誠以鄧林昆吾翔鳳所棲懸黎和肆垂棘所集藝文類聚

治政部薦舉書

今日之行觸目見琳琅珠玉世說新語容止

才難

夫物之有材者其精華之蘊神明之所固護而祕惜

不可以知力窺也蒙金以沙固玉以璞珠之所生漩

桓之淵而隈澳之下也豫章梗枿之可以大斲者必

在夫大山窮谷孱顏嶇嶇之區抉剔之椅撫之剝削



之苟不中于程度則有虎狼蛟螭虺蜴之變雷霆崩墜覆壓之虞何以故天地之生材也實難其有以生也必有所用也子華子晏子

物以少者為貴多者為賤至於人事豈獨不然故藜

藿彌原而芝英不泄枳棘被野而尋木間秀沙礫無

量而珠璧甚尠鴻隼屯飛而鸞鳳罕出虺蜴盈藪而

虬龍希覲抱朴子內篇明本

累世一聖是繼踵千里一賢是比肩意林任子

伯樂教其憎者相千里馬教其愛者相駑馬以千里

馬世一有其利少駑馬多其利多也藝文類聚獸部馬類

譬如大地少處出生金銀等寶多處出生沙石瓦礫

波羅蜜多經五百二十

譬如海寶無價者少餘寶甚多華手經卷二

驥及和氏以希為貴今若家有千里人懷盈尺即驥

及和氏寧得珍貴乎李善註文選曹子建與吳季重書

### 勞苦

辛苦之味入口猶困阨之事在身故謂殃厄勞役之

事為辛苦也尚書正義洪範

陟彼崔嵬我馬虺隤音灰○陟彼高岡我馬玄黃○

陟彼砠矣我馬瘠矣詩國風卷耳

俞木人事卷二十八才難

蕭蕭鵠羽集于苞栩許音王事靡盬古音不能執稷黍○

蕭蕭鵠翼集于苞棘王事靡盬不能執黍稷○蕭蕭

鵠行枕音集于苞桑王事靡盬不能執稻粱詩國風

娟娟音者蠋音烝在桑野敦音彼獨宿亦在車下詩

風東

縣蠻黃鳥止于丘阿道之云遠我勞如何飲之食之

教之誨之命彼後車謂之載之○縣蠻黃鳥止于丘

隅○縣蠻黃鳥止于丘側詩小雅

何草不黃何日不行叶戶反何人不將經營四方○何

草不玄何人不矜音哀我征夫獨為匪民○匪兕匪

虎率彼曠野哀我征夫朝夕不暇○有芄音者狐率

彼幽草有棧上板反之車行彼周道詩小雅何

大東刺亂也東國困於役而傷於財譚大夫作是詩

以告病馬毛詩大東

北山大夫刺幽王也役使不均已勞於從事而不得

養其父母焉毛詩北山

君子仕於亂世其顏色瘦病如魚勞則尾赤鄭氏箋

荼誠苦矣而君子於已之苦毒又甚于荼比方之荼

則甘如薺鄭氏箋

有杕然特生之杜猶得其時有睨然其實蕃滋得所

我君子獨行役勞苦不得安於室家以盡天性而生子孫乃杖杜之不如毛詩正義杖杜

鴉鳥之羽飛而集于苞栩之上以興君子之人乃下

從于征役之事然鴉之性不樹止今乃集于苞栩之

上極為危苦喻君子之人當居平安之處今乃下從

征役亦甚為危苦毛詩正義鴉羽

蝓蝓然者桑中之蠋蟲常久在桑野之中似有勞苦

以興敦敦然彼獨宿之軍士亦常在車下而宿甚為

勞苦毛詩正義東山

有專專然繫綴於蔓者瓜也而其瓣甚苦既繫苦於

蔓似如勞苦而其瓣又苦以喻君子繫屬於軍是事

苦也又憂軍事是心又苦也毛詩正義東山

役人若是野獸可常在外今非是兕非是虎何為久

不得歸常循彼空野之中與兕虎禽獸無異乎毛詩正義

何草

有芄芄然而小者當狐也此狐本是草中之獸故可

循彼幽草今我有棧之輦車人輓以行此人本非禽

獸何為行彼周道之上常在外野與狐在幽草同乎

毛詩正義何草

玄黃虺隤行者勞疲役夫憔悴喻時不歸焦氏易林乾之革

乘雲帶雨與飛鳥俱焦氏易林 同人之泰

九里十山道却峻難牛馬不前焦氏易林 咸之觀

踐履寒水十步九尋惟有苦痛不為病憂焦氏易林 明夷之乾

隔在九山往來勞難焦氏易林 睽之否

歷險登危道遠勞疲焦氏易林 蹇之泰

道涉多阪牛馬蛇螭焦氏易林 蹇之既濟

驥疲鹽車出於銜筮焦氏易林 夬之井

霄冥高山道險峻難王孫罷極困於阪間焦氏易林 小過之頤

聖人憂世深思事勤愁擾精神感動形體故稱堯若

腊舜若臍策紂之君垂腴尺餘王充論衡 語增篇

枯桑無枝尚知天風海水廣大尚知天寒君子行役

豈不離風寒之患乎李善注文選 飲馬長城窟行

身如火身如大風身如谷中響如水中影無暫安

時海空智藏 經供獻品

菩薩在樹下坐禪有一鳥一鴿一虺自相問何等為

苦鳥言飢最為苦何以知為苦飢不能行亦不能有

所作人坐飢餓歿以是知飢為苦鴿言觸色為苦何

以故知色為苦人意念色無有終極人皆坐色死以

是知色為苦虺言獨瞋恚為苦何以故知瞋恚為苦

人瞋恚無所避欲自殺亦欲殺人故知瞋恚為苦惟日

雜難經

危困

九三伏戎于莽升其高陵三歲不興易同人

六五貞疾恒不歿象曰六五貞疾乘剛也恒不歿中

未亾也易豫

初九履校滅趾无咎易噬嗑

初六剝牀以足蔑貞凶易剝

六二剝牀以辨蔑貞凶易剝

六四剝牀以膚凶易剝

上六過涉滅頂凶易大過

初六習坎入于坎窞凶象曰習坎入坎失道凶也易坎

上六係用徽纏寘于叢棘易坎

初九壯于趾征凶有孚易大壯

九三小人用壯君子用罔貞厲羝羊觸藩羸其角易大壯

壯

上六羝羊觸藩不能退不能遂无攸利艱則吉易大壯

初九明夷于飛垂其翼易明夷

六三見輿曳其牛掣其人天且劓无初有終易睽

九三臀无膚其行次且厲易姤

初六臀困于株木入于幽谷三歲不覿易困

喻木人事 卷二十八 危困

六三困于石據于蒺藜易困

九四來徐徐困于金車易困

上六困于葛藟于臲臲易困

九三其限列其夤厲薰心易艮

上九鳥焚其巢旅人先笑後號咷喪牛于易凶易旅

剝額為天截鼻為劓既處二四之間皆不相得其為

人也四從上刑之故劓其額二從下刑之又截其鼻

故曰其人天且劓周易正義

民畏紂之虐危懼不安若崩摧其角無所容頭孔子傳書

泰誓

中谷有暵吐雷反暵其乾矣○中谷有暵暵其修矣

○中谷有暵暵其溼矣詩國風中

魚在于沼叶音灼亦匪克樂潛雖伏矣亦孔之炤音灼

小雅正月

相彼泉水載清載濁叶殊反我日構禍曷云能穀詩小雅

雅四月

巢之翹翹而危以其所託枝條弱也以喻今我子孫

不肖故使我家道危也鄭氏箋詩鴟鵂

狀如舟之流行無制之者不知終所至也鄭氏箋詩小弁

王無恩惠於天下天下之人如旱歲之草皆枯槁無

潤澤如樹上之棲苴

鄭氏箋詩召旻

室如懸磬野無青草何恃而不恐

左傳僖公二十六年

如魚窺尾衡流而方羊裔焉

左傳哀公十七年

南夷與北狄交中國不絕若綫

公羊僖公四年

服虔云鹿得美草呦呦相呼至于困迫將死不暇復

擇善音急之至也

春秋正義文公十六年

夫子之在此猶燕之巢於幕也

史記吳世家

鷹隼橫厲鸞徘徊兮矰若浮焱動則機兮叢棘棧棧

曷可栖兮發忠忘身自繞罔兮寃頸折翼庸得往兮

前漢書息夫躬傳

有一窮鳥戢翼原野罩網加上機穽在下前見蒼隼

後見驅者繳彈張右羿子殼左飛丸激矢交集於我

思飛不得欲鳴不可舉頭畏觸搖足恐墮內獨怖急

乍冰乍火

後漢書文苑列傳

細政苛慘科防互設矰繳充蹊阨穽塞路舉手挂網

羅動足蹈機罔

後漢書袁紹列傳

雖欲竭誠而盡忠路絕險而靡緣九重既不可啓又

羣吠之信信

後漢書文苑列傳

嚴文剋剝痛於霜雪張羅海內設置萬里逐臣者窮

人迹追臣者極車軌

後漢書寇恂傳論

閻闔九重。陷窅步設。舉趾觸罟罟。動行絳羅網。後漢書寇

恂傳

創基冰泮之上。立足枳棘之林。後漢書黃瓊傳

欲使墜萬仞之阨。踐必死之地。令陛下忽慈母之仁。

發投杼之怒。後漢書寇恂傳論

將軍不覩盛衰之紀。成敗之符。譬如野火在原。蹈履

河冰。火滅冰泮。將何所依附。蜀志呂

以累卵之身。處雷霆之衝。繭栗之質。當豺狼之路。其

見吞噬。豈抗脣齒。晉書王濬傳

雖茹荼之苦。銜蓼之辛。何以諭之。晉書符丕記

今猶俎上肉。任人膾截耳。晉書孔愉傳

至若蘭芷傾頓。桂林移殖。根萌未樹。而牙淺弦急。每

恐風波潛駭。危機密發。此所以怵惕於長衢也。晉書趙至

傳

陵九折於邛僊。汎衝波於呂梁。宋書傅亮傳

將軍魚游於沸鼎之中。燕巢於飛幕之上。不亦惑乎。

梁書陳伯之傳

延膠船而越水。若朽索而乘奔。魏書李順希

時無逸勒路盈摧輪。魏書宗欽傳

予一生而三化。備荼苦而蓼辛。鳥焚林而鍛翮。魚奪



水而暴鱗

北齊書文苑顏之推傳

橫生瘡痂動挂網羅

北史周本紀上

亾覓禡鬼若牛兄之遇獸心戰色沮似葉公之見龍

隋書盧思道傳

茗客之踵躋焦原匹茲非險齊人之手執馬尾方此

未危

隋書盧思道傳

戟既在脰劍既在心

晏子雜上

荒飆怒號而獨秀者先隕霜露宵零而朱草立槁媁市之徒又從而媒孽以髡搖之是以萌意於方寸未有毫分也而觸機奔展布其四體未有以為容也而

得桎梏懷抱其一槩之操泯泯默默而願有以試也

而漫漫之長夜時未旦也疾雷破山澍雨如霆雞喑

於墀而失其所以為司晨也

子華子神氣

今巨楚縣吾前大燕鱗吾後勁魏鈞吾右西壤之不

絕若繩

荀子疆國

今矧繳機而在上罔罟張而在下雖欲翱翔其勢焉

得

淮南子傲真訓

語曰五盜執一良人枉木惡直繩今欲下鍼石通關

鬲則恐有盛胡之累懷鍼橐艾則被不工之名狼跋

其胡載躑其尾君子之路行止之道固狹耳此子石

所以嘆息也。鹽鐵論 益 鐵 鍼 石

縞素不能自分於緇墨。聖賢不能自理於亂世。鹽鐵論 非

鞅

心憧憧若涉大川。遭風而未薄。鹽鐵論 刺復

車傾蓋。亾身常憂惶。焦氏易林 乾之屯

山險難登。澗中多石。車馳轆擊。載重傷軸。焦氏易林 乾之謙

弱足別跟。不私出門。市賈不利。折亾為患。焦氏易林 乾之鼎

路多枳棘。步刺我足。焦氏易林 屯之賁

蠱室蜂戶。螫我手足。不可進取。為身害咎。焦氏易林 屯之明夷

雌單獨居。歸其本巢。毛羽憔悴。志如死灰。焦氏易林 需之否

蹇兔缺唇。行難齒寒。焦氏易林 訟之復

虎厲其牙。以待犬猪。往必傷殘。摧敗無餘。焦氏易林 訟之鼎

干旄旌旗。執幟在郊。雖有寶珠。無路致之。焦氏易林 師之隨

駕駟逐狐。輪掛荆棘。車不結轍。公子無得。焦氏易林 小畜之觀

轅折輪破。馬倚僕卧。焦氏易林 履之兆

濟深難渡。濡我衣袴。焦氏易林 泰之坤

載石上山。步跌不前。焦氏易林 同 人之小畜

雀行求食。出門見鷓。顛蹶上下。幾無所處。焦氏易林 大有之萃

鹿求其子。虎廬之里。焦氏易林 隨之否

雞方啄粟。為狐所逐。走不得食。惶怖惕息。焦氏易林 蠱之升

賣袍續食。糟糠不飽。焦氏易林復之觀

襦燒袴燔。羸剝飢寒。病症凍攣。焦氏易林復之益

鳥鳴葭端。一呼三顛。動搖東西。危而不安。焦氏易林復之井

棘鉤我襦。為絆所拘。焦氏易林坎之大有

深水難涉。泥塗至轂。牛罷不進。浮陷為疾。焦氏易林坎之蠱

据棘履杞。跌刺為憂。焦氏易林坎之未濟

梁破橋壞。水深多畏。焦氏易林咸之師

九登十陟。馬跌不前。焦氏易林恒之姤

路多枳棘。前刺我足。焦氏易林遯之艮

左有噬熊。右有嚙虎。前觸鋏矛。後躓強弩。無可抵者。

焦氏易林大壯之大壯

東行食榆。困於枯株。焦氏易林晉之睽

鷹飛雉退。兔伏不起。狐張狼鳴。野雞驚駭。焦氏易林睽之大壯

水深難遊。霜寒難涉。焦氏易林解之震

張羅百目。鳥不得北。縮頸掛翼。困於窘國。焦氏易林蹇之頤

席多針刺。不可以卧。為身作累。動而有悔。焦氏易林困之困

虎饑欲食。見蝟而伏。焦氏易林鼎之渙

鳥飛无羽。雞鬪折距。焦氏易林節之大過

焦逆訐而順守之。雖辯劇虎牙矣。楊子重黎

次八足繫纍。其步蹉躓。太玄經第一差

喻木 人事 危困

次八升于高危。或斧之梯。測曰升危斧梯。失士民也。

太玄經 第一上

次八頸加于矰。維綑翌其繩。測曰頸加維綑。無自勞

也。太玄經 第四逃

次七翕繳惻惻。測曰翕繳惻惻。被離害也。太玄經 第五翕

次六方輪廣軸。坎軻其輿。測曰方輪坎軻。還自震也。

太玄經 第六止

次八涉于霜雪。纍項于邾。思栗切測曰纍項于邾。亦不

足生也。太玄經 第六窮

次六大車川川。上軼于山。下觸于川。測曰大車川川

上下軼也。太玄經 第六難

次五出野見虛。有虎牧豬。捲綉與襦。測曰出野見虛

無所措足也。太玄經 第六劇

懼煙炎之燬。燔何光。苾之敢揚哉。蔡中郎集釋誨

言天有虎豹。地有土伯。東有長人。西有赤蟻。南有雄

虺。北有增水。皆為姦惡。以賊害已也。王逸註楚辭招魂

言已居於衰亂之世。常低頭俛視。若以背肩負擔。丈

尺而步。不敢伸。要仰首以遠罪過也。王逸註楚辭哀時命

言已居常怖懼。若附強弩。機臂畏其妄發。上恐牽聯

於堆。躄身被矰繳也。王逸註楚辭哀時命

舉挂時網動亂國經曹子建

不見籬間雀見鷓自投羅曹子建野田黃雀行

鳥盡良弓藏謀極身心危嵇中散集兄秀才公穆入軍贈詩

雙鸞匿景曜戢翼太山嵯抗首漱朝露晞陽振羽儀

長鳴戲雲中時下息蘭池自謂絕塵埃終始永不虧

何意世多難虞人來我疑雲網塞四區高羅正參差

奮迅勢不便六翮無所施隱姿就長纓卒為時所羈

嵇中散集兄秀才公穆入軍贈詩

立刻鋒之端登方崩之山非所以延年長世遠危之

抱朴子外篇良規

窾枯之木而當衝風故振太玄經第二奐解

蹇祭音登困困古淵字巖音業顛顛音隱退也靡返音萃進也旒

遷憩於險間愀然很同很然傳曰祭困困水之深也巖

顛顛山之高也君靡返礙乎山也旒靡遷限乎險也

元包少陰

禽獸驚走得草則伏遇水則栖非其常處苟寄而居

值穴而託為人窮迫之意李善註文選西京賦

在木闕不材故匠者時盼在鴈乏善鳴故不免饌賓

也李善注文選盧子諒贈劉琨詩

根萌未樹故恐風波潛駭牙淺弦急故懼危機密發

李善注文選趙景真與嵇茂齊書

鳥不擇木獸不擇音文選吳都賦

危素卵之累殼甚玄鷲之巢幕心戰懼以兢悚如臨

深而履薄文選西征賦

搆白刃以萬舞危冬葉之待霜履虎尾而不噬寔要

伯於子房文選西征賦

身寄虎吻危同朝露文選桓元子薦譙元彥表

鳳鳴高岡以遠尉羅賢聖之德也鷓鴣之鳥巢于葦

苕苕折子破下愚之惑也今江東之地無異葦苕諸

賢處之信亦危矣文選陳琳檄吳將校文

洪波振豁川無恬鱗驚颿拂野林無靜柯何者勢弱

則受制于巨力質微則莫以自保文選殷仲文自解表

翔鳳嬰籠檻騏驥見維繫文選潘尼迎大駕詩

昔如韝上鷹今似檻中猿文選鮑明遠東武吟

綿綿女蘿施于松標稟澤洪幹晞陽豐條根淺難固

莖弱易彫操彼纖質承此衝飈文選盧湛贈劉琨詩

如彼危根當此衝飈文選潘岳楊仲武誄

矰弋機而在上兮尉羅張而在下設張辟以娛君兮

願側身而無所補文選屈原惜誦

負擔荷以丈尺兮欲伸要而不可得外迫脅於機臂

今上牽聯於矰雉

音弋。補文選。莊忌哀時命。

雖魚鳥之欲安駭風川而回薄

補文選。謝眺酬德賦。

奚異涉海之失棹積薪而待然

補文選。趙壹疾邪賦。

若憑舟之失棹譬緣崖而無攀

補文選。陶潛閑情賦。

執朽轡以御逸駟承勁風以握秋蓬

補文選。曹毗對儒。

如箸弊絮在荆棘中觸地挂闕

世說新語排詞。

白刃交前不救流矢

意林魯連子。

十里九坎牛馬低昂

意林太玄經。

輿中塗以回畔兮駟馬驚而橫犇執組者不能制兮

必折軛而摧轅

楚辭劉向逢紛。

下堂兮見蠹出門兮觸蜂巷有兮蚰蜒邑多兮螿螂

楚辭王逸傷時。

危光似燭察命如絲

藝文類聚職官部儀同表。

警懸厨之獸如離繳之鳥將充庖鼎以餌鷹鷂

藝文類聚。

人部言志書。

真欲令三泉之下復鎮之以大石厄乎此時也

藝文類聚。

人部別下書。

雖事異鑽皮文非刺骨猶復因茲舌杪成此筆端

藝文類聚。

類聚人部言志書。

枯枝葉易零疲客心易驚

藝文類聚歲時部秋詩。

命木人事。

卷二十八。

危困。

卷二十八。

騏驥負鹽車。垂頭於太行之坂。屠者持刀睨之。藝文類聚

獸部

推直轡於三危。碎平途於九折。文苑英華 庾信志一賦

同冰魚之不絕。似螫蟲之猶蘇。良可哀也。文苑英華 徐陵贈荅

上書

臥薪待火。方此弗危。繫草從風。儔之非切。文苑英華 徐陵贈荅

上書

塗艱行易。跌命舛志。難逢。文苑英華 沈約悲悼一詩

累碁十二。方此未危。懸縷千鈞。比斯非切。文苑英華 檄一隋檄

陳尚書文

乘奔牛驚馬未足。諭其嶮墜矣。漢武帝外傳

譬如有人。曾行劫盜。王所訪括。其人惶恐。竊入市鄽。

於雜鬧處。欲自藏隱。正值其中。搖鈴聲鼓。宣王教令。

欲相掩捉。彼人爾時。更無餘想。唯作是念。勿我今時。

為他識知。而見擒繫。波羅蜜多經 卷五百八十八

譬如無夫之婦。無不陵易者。放光波羅蜜經

譬如生育羣狗。逼逐臨大坑澗。大寶積經 四十一

譬如野干於彼塚間。為諸羣狗之所搏逐。逃迸走避。

臨大峻厓窮途。所逼夜中。嗥叫。大寶積經 四十一

如箭著身。觸之則痛。大寶積經 卷九十六

喻木人事 卷二十八 危困 二十一



猶如商人失其徒侶猶如涉海舟船破壞亦如有人失如意珠又如危峰朽壞之樹為彼猛風搖動吹擊復如龍子為金翅鳥之所銜啄大寶積經卷一百二十

如小綿丸小劫貝華丸置四衢道頭四方風吹則隨

風去向於一方雜阿含經卷十五

時有一人遊於曠野為惡象所逐怖走無依見一空井傍有樹根即尋根下潛身井中有黑白二鼠互齧樹根於井四邊有四毒蛇欲螫其人下有毒龍心畏龍蛇恐樹根斷樹有蜂蜜五滴墮口樹搖蜜散下螫斯人野火復來燒然此樹曠野者喻於無明長夜曠

遠言彼人者喻於異生象喻無常井喻生死險岸樹

根喻命黑白二鼠以喻晝夜齧樹根者喻念念滅其

四毒蛇喻於四大蜜喻五欲蜂喻邪思火喻老病毒

龍喻死是故當知生老病死甚可怖畏常應思念勿

被五欲之所吞迫佛說譬喻經當十

譬如大風鼓扇林樹枝柯相振又如失水之魚宛轉

在地又如斬截大樹崩倒狼籍須摩提長者經救亡

如惡瘡疱難合其竅痛不可忍大乘經上

見於生處諦如水漂岸樹修行道地經慈品

譬如險岸大樹上有大風下有大水崩其根土誰當

信此樹得久住者。三昧法門經卷上

譬如人噎。既不得吐。又不得咽。龍樹菩薩傳籍十

驚怖墮床。如熱沙中魚。大智度論卷三

我今如在秤。低昂墮死處。大莊嚴經論卷九偈

譬如燒利劍。火光耀入眼。執之在側。欲以相害於念。

念中恒生大怖畏。隨相論卷上

喻林卷二十八終

喻林卷二十九

宣城華陽徐元太汝賢父編輯

猶子徐胥慶無猜父校

徐昭慶穆如父閱

人事門 二十七

隱禍

氣狡憤於外。則血脉必周身。而作隨氣張動。外雖有

彊形。而內實乾竭。杜氏解左傳僖公十五年

吾恐季孫之憂不在顓臾。而在蕭牆之內也。論語季氏

驪姬使優施飲里克酒。歌曰。暇豫之吾。吾不如鳥鳥。

人皆集於死。已獨集於枯。國語

嗛嗛之德不足就也。不可以矜而祗取憂也。嗛嗛之

食不足狃也。不能為膏而祗離咎也。國語

毒之猶腊者。其殺也滋速。國語

雖有烏獲逢蒙之伎力。不得用枯木朽株。盡為害矣。

是胡越起於轂下。而羗夷接軫也。豈不殆哉。史記司馬相如

傳

禍固多藏於隱微。而發於人之所忽者也。故鄙諺曰

家累千金。坐不垂堂。此言雖小。可以喻大。史記司馬相如傳

霍顯之謀。將行於杯杓。荆軻之變。必起於帷幄。前漢書息

夫躬傳

胡貊守關。青徐之寇。在於帷帳矣。後漢書曰范升傳

禍生肘腋。疊起蕭牆。北史周本紀上

壞我法者。必在子孫。譬如猛獸。物不能害。反為毛間

蟲所損食耳。北史隋宗室諸王庶人秀傳

張軍衛外。禍反在內。所備甚遠。賊在所愛。鵠冠子道端

秦之有韓。若人之有腹心之病也。虛處則怏然。若居

濕地。著而不去。以極走則發矣。韓非子存韓

日月暈圍於外。其賊在內。備其所憎。禍在所愛。韓非子備

內

譬如伏虎見便必動將何時已

賈子新書 威不信

夫孫叔敖之請有寢之丘沙石之地所以累世不奪

也。晉厲公之合諸侯於嘉陵所以身死於匠驪氏也。

眾人皆知利利而病病也。惟聖人知病之為利利之

為病也。夫再植之木根必傷掘藏之家必有殃以言

大利而反為害也。

淮南子 人間訓

死不再生窮鼠齧狸匹夫奔萬乘舍人折弓。

鹽鐵論 詔聖

憂在腹內山崩為疾禍起蕭牆竟制其國。

焦氏易林 豫之隨

眾兔俱走雄雉在後。

焦氏易林 豫之漸

內畔生賊自為心疾。

焦氏易林 遯之明夷

次七阻

切居子 與二切

阻閒于遽除或寢之廬測曰阻阻之

閒惡在舍也。

太玄經 第一閒

次八狼盈口。

天 卽矢 字

在其後測曰狼盈口不顧害也。

太玄經 第二爭

上九溼迎牀足孳于牆屋測曰溼迎牀足顛在內也。

太玄經 第四迎

初一骨繫其肉內幽測曰骨繫其肉賊內行也。

太玄經 第八劇

八劇

汝獨不見蛛之結網于屋梁之隅中坐而待食自以為安及棟梁朽而棖題傾蛛乎雖欲寄一絲以聊適

不可獲矣。天祿閣外史論易

務於遠者或失於近治其外者或患生乎內覆頭者

不必能令足不濡菽腹者不必能令背不傷故秦始

築城遏胡而禍發帷幄漢武懸旌萬里而變起蕭牆

抱朴子外篇廣譬

夫虎豹以其形容修廣爪牙堅強肌膚盛大毛物豐

文章明故執百獸而制於人榮華香草以其所有光

耀芬香故悅於衆俗而傷其根大國之君以其地廣

民衆勢尊形寵威隆名顯故張其鄰國而危其身有

道則固於磐石寧於太山失道則危於累卵輕於鴻

毛俱弱則先困俱亂則先亾是故大國者霸王之梯

而亾滅之階也。道德經指歸卷十

師子身中自生諸蟲還食其肉。大寶積經卷一百十三

有一貓狸飢渴羸瘦於孔穴中伺求鼠子有時鼠子

出穴遊戲時被貓狸疾取吞之鼠子身小生入腹中

入腹中已食其內藏食內藏時貓狸迷悶東西狂走

空宅塚間不知何止遂至於死。雜阿含經卷四十七

猶若以灰覆火人不覺足往蹈之漸漸熱徹乃知燒

足。出曜經八行品

譬如灰下火猶能燒萬物。本緣經毗羅摩品

橫禍

六三无妄之災或繫之牛行人之得邑人之災易无妄

六五喪羊于易无悔易大壯

凡禍疾所起由有妄而來今九五居得尊位為无妄

之主下皆无妄而偶然有此疾害故云无妄之疾也

周易正義无妄

誰謂雀無角何以穿我屋○誰謂鼠無牙何以穿我

墉詩國風行露

有兔爰爰雉離于羅○有兔爰爰雉離于罟音孚叶步妙反

○有兔爰爰雉離于罟音衝○詩國風兔爰

伐木掎音已叶居何反矣析薪施音侈叶湯何反矣舍彼有罪予之

佗音唾叶湯何反矣詩小雅小弁

長木之斃無不標也國狗之瘕無不噬也左傳哀公十二年

齊人諺曰上山斫檀榎楹先殫爾雅釋木註

臣隣家有遠為吏者其妻私人其夫且歸其私之者

憂之其妻曰公弗憂也吾已為藥酒以待之矣後二

日夫至妻使妾奉卮酒進之妾知其為藥酒也進之

則殺主父言之則逐主母乃陽僵棄酒主父大怒而

笞之妾之棄酒上以活主父下以存主母也忠至如

此然不免於笞此以忠信得罪者也臣之事適不幸

而有類妾之棄酒也。戰國策 燕易王

矯翮南辭。翻栖火樹。飛鱗北逝。卒委湯池。遂使穴碎

雙龍巢傾。兩鳳激浪之心未騁。遽骨修鱗。凌雲之意

將騰。先灰勁翮。望其翔躍。焉可得哉。晉書陸機列傳

所謂火烈高原。芝蘭同泯。梁書武帝上紀

爾乃獠狗逐而華子奔。腐鼠遺而虞氏滅。匣援逸而

林木殘。積珠亾而池水竭。宋書顧愷之傳

火燎孟諸。芝艾同爛。河決金隄。淵丘同體。宋書袁湛傳

宋有澄子者。亾緇衣。求之塗。見婦人衣緇衣。援而弗

舍。欲取其衣。曰。今者我亾緇衣。婦人曰。公雖亾緇衣。

此實吾所自為也。澄子曰。子不如速與我衣。昔吾所

亾者。紡緇也。今子之衣。禪緇也。以禪緇當紡緇。子豈

不得哉。呂氏春秋 秋淫辭

楚王亾其猿。而林木為之殘。宋君亾其珠。池中魚為

之殫。故澤失火而林憂。淮南子 說山訓

子路宰我。生不逢伯樂之舉。而遇狂屠。故君子傷之。

鹽鐵論 訟賢

從風放火。荻芝俱死。焦氏易林 乾之小過

鵲巢柳樹。鳩奪其處。焦氏易林 豫之晉

作室山根。人以為安。一夕崩顛。破我壺殮。焦氏易林 賁之明夷

張網捕鳩鳥麗其災雌雄俱得為網所賊焦氏易林賁之歸妹

堂桑折衡佐鬪者傷暴臣失國良臣被殃焦氏易林咸之解

雀行求粒誤入網罟焦氏易林益之革

張網捕鳩兔離其災焦氏易林歸妹之節

上九破壁毀圭曰竈生鼃天禍以他測曰破壁毀圭

逢不幸也太玄經第六窮

立巖墻之下為壞所壓蹈坵岍之上為崩所墜輕遇

無端故為不幸王充論衡幸遇篇

江南數郡有畜蠱者主人行之以殺人行食飲中人

不覺也其家絕滅者則飛遊安走中之則斃李善注文選鮑

明遠苦熱行

不見巫山火芝艾豈相離廣文選張子孟陽招隱詩

億兆與崑岡並燎縉紳與蘊崇共日藝文類聚帝工部梁武帝勅

宋城門失火因汲池水以沃灌之池中空竭魚悉露

歿喻惡之滋并中傷良謹也藝文類聚鱗介部魚

宋桓司馬有寶珠獲罪出亾王使人問珠之所在曰

投之池中於是竭池而求之魚盡死焉此言禍福之

相及也藝文類聚寶部珠

河傾一作流酸棗杞梓與樗櫟俱流海淺蓬萊魚鼈與

蛟龍共一作盡文苑英華庚信雜銘銘



將恐程門霄霜梧檟與樗櫟同凋崑山火燎天球共

砥硖俱燼文苑英華周宣帝檄一

時有一婦人焰穀作麩有牴來捩焰麥不可奈何

捉槌火杖用打牴杖頭有火著羊毛住羊毛得火

熱用揩象廐象廐火然并燒王象象身爛破便殺獼

猴用拍象身天於空中而說偈言瞋恚鬪諍邊不當

於中止。羯羴共相抵。蠅蟻於中死。婢具牴鬪獼猴

而坐。灰智者遠嫌疑。莫與愚人止。菩薩本行經卷中

昔有一婢稟性廉謹常為主人典麩麥豆時主人家

有一羴羊伺空遂便噉食麥豆斗量折損為主所瞋

信已不取皆由羊噉緣是之故婢常因嫌每自杖捶

用打羴羊羊亦含怒來舐觸婢如此相犯前後非一

婢因一日空手取火羊見無杖直來舐婢婢緣急故

用所取火著羊脊上羊得火熱所在觸突焚燒村人

延及山野于時山中五百獼猴火來熾盛不及避走

即皆一時被火燒灰雜寶藏經卷八

奚獨喪蟀池空遂使亾狙林盡辯正論卷一

### 孤立

日之熱恒在日中之後道東之杜人所宜休息也今

人不休息者以其特生陰寡也武公初兼其宗族不

求賢者與之在位君子不歸似乎特生之杜然鄭氏箋詩

有杖之杜

有杖然特生之杜生於道路之左人所宜休息今日

所以人不休息者由其孤特獨生陰涼寡薄故也以

興武公一國之君人所宜往仕今日所以人不往仕

者由其孤特為君不求賢者故也毛詩正義有杖之杜

譬彼內傷病之木以內疾之故是用無枝也毛詩正義小弁

彼堂堂然光明者華也此華乃芸然其色黃而盛矣

以興顯著者君也此君其德彰而明矣華盛而不言

其葉見君明而其臣不賢毛詩正義裳裳者華

徒鼓瑟謂之步徒吹謂之和胡卦切徒歌謂之謠徒擊

鼓謂之嘒五各切徒鼓鐘謂之修徒鼓磬謂之蹇音蹇爾

雅

深厲淺揭隨時為義曾何貪於支離而習其孤技邪

後漢書張衡列傳

越俗易驚孤音少和直轡安歸高謀誰佐後漢書荀彧列傳論

受堯之誅不能稱堯直臣無黨古今所悉晉書劉毅傳

夫獨構之唱唱虛而莫和晉書王湛坦之傳

昔有一國國中一水號曰狂泉國人飲此水無不狂

唯國君穿井而汲獨得無恙國人既並狂反謂國主

之不狂為狂。於是聚謀共執國主，療其狂疾，火艾針藥，莫不畢具。國主不任其苦，於是到泉所酌水飲之。飲畢便狂。君臣大小其狂若一。眾乃歡然。我既不狂，

難以獨立。此亦欲試飲此水。宋書袁粲傳

公無黨援，譬如水間一堵墻，大危矣。隋書元諧傳

女嬃言眾人皆佩蕢，某臬已為讒佞之行，滿於朝廷，

而獲富貴。汝獨服蘭蕙，守忠直，判然離別，不與眾同，

故斥棄也。王逸注楚辭離騷經

言已使鳳鳥往求同志之士，欲與俱共事君。反見邪

惡之人相與屯聚謀欲離已，又遇佞人相肆來迎，欲

使我變節以隨之也。王逸注楚辭離騷經

言東風飄然而起，則神靈應之，而雨以言陰陽相感，

風雨相和，屈原自傷獨無與和也。王逸注楚辭九歌

然不覩金錐克木，而錐鑽不可以伐鄧林。水雖勝火，

而升合不足以救焚山。寸膠不能治黃河之濁，尺水

不能却蕭丘之熱。是以身名並全者甚稀，而先笑後

號者多有也。抱朴子外篇嘉遯

夫丸泥已不能遏彭蠡之沸騰，獨賢亦焉能反流遁

之失正。抱朴子外篇安貧

升水不能救八藪之燔蕪，撮壤不能遏砥柱之沸騰。

寸刃不能刊長洲之林。獨是不能止朋黨之非。抱朴子外

篇廣

發音則嚮與俗乖。抗足則跡與衆迕。抱朴子外

昔余夢登天兮。魂中道而無抗。吾使厲神占之兮。曰

有志極而無旁。楚辭九章惜誦

蒼葦施以盈室兮。判獨離而不服。文選屈原離騷經

徒樂枕經籍書。紆體衡門上。無所帶。下無所根。文選班固

答賓戲

似孤臣之介立。隨排擠之所往。內一志以奉朝兮。外

結心以絕黨。萍出水而主枯兮。士失據而身往。覩斯

草而慷慨兮。固知直道之難爽。廣文選夏侯孝若浮萍賦

鷹隼厲天翼。恥與燕雀遊。廣文選傅林奕長歌行

直木無陰。直士無徒。是以賢人直士。常不容於世。林意

任子

孔文舉金性太多。木性不足。背陰向陽。雄倬孤立。林意

士緯

宋玉識音而善文。襄王好樂而愛賦。既美其材。而憎

其似屈原也。乃謂之曰。子盍從楚之俗。使楚人貴子

之德乎。對曰。昔楚有善歌者。王其聞與。始而曰。下里

巴人。國中唱而和之者數萬人。中而曰。陽阿採菱。國

中唱而和之者數百人。既而曰陽春白雪。朝日魚麗。含商吐角。絕節赴曲。國中唱而和之者不過數人。蓋

其曲彌高。其和彌寡。藝文類聚 樂部歌

袁陽著舊傳

猶如犀牛獨一無侶。虛空孕苦 薩經卷上

極反

白賁无咎。上得志也。易賁

物積而後始極。既極而後方衰。從日積暖。故日中之

後乃極熱。從昏積涼。故半夜之後始極寒。毛詩正義 有杖之杜

極則美先盡矣。美盡必有惡生。故美盡則生疾。春秋正義

昭公元年

日極則反。月滿則虧。極之徒反。滿之徒虧。巨之徒滅。

孰能已無已乎。効夫天地之紀。管子白心

恩甚則怨生。愛多則憎至。亢倉子用道篇

目將眇者。先睹秋毫。耳將聾者。先聞吶飛。口將爽者。

先辨淄澠。鼻將窒者。先覺焦朽。體將僵者。先亟犇佚。

心將迷者。先識是非。故物不至者則不反。列子仲尼

東海之極。水至而反。夏熱之下。化而為寒。呂氏春秋 秋君守

有知順之為倒。倒之為順者。則可與言化矣。至長反

短。至短反長。天之道也。呂氏春秋 秋似順

草木壯極則枯。落人壯極則衰老也。言強者不可以

壯河上公注 老子子儉武

春夏陽氣躁疾於上萬物盛大極則寒寒則零落歿

亾也河上公注 老子子洪德

壯不可極極則敗物不可極極則反京氏易傳 大壯中

高山崩顛丘陵為溪焦氏易林 蹇之咸

次八極陽徵陰不移日而應測曰極陽徵陰應其發

也太玄經 第三應

上九陰陽啓告音兆其變赤白測曰陰陽啓告極則反

也太玄經 第六闕

陰不極則陽不生亂不極則德不形太玄經 太玄文

極睽而合極異而通故先見怪焉洽乃疑亾也周易 略例

卦畧

然樂極則哀集至盈必有虧故曲終則歎發醜罷則

心悲也寔理勢之攸召猶影響之相歸也抱朴子內 篇暢玄

陽勝則熱陰勝則寒重寒則熱重熱則寒黃帝素問 內經陰陽

應象 大論

物壯則老兵強則衰道德經注 疏卷三

夫行迷則改路術窮則反故弘明集牟 子理惑論

反本

上九白賁无咎易賁

昔日貴雕飾今尚儉與素昔日多纖介今去情與故

宋書樂

四志

物生於土終變於土事生於意終變於意

關尹子五鑑

天下莫相憎於膠漆而莫相愛於冰炭膠漆相賊冰

炭相息也牆之壞愈其立也冰之泮愈其凝也以其

反宗

淮南子說山訓

夫五色雖明有時而渝豐交之木有時而落物有成

衰不得自苦故三王之道周則復始窮則反本

韓詩外傳

將入之日既赤且黃若初出之時也故曰用視其始

太玄經第五視解

三王之統若循連環周則復始窮則反本

文選西征賦注

如尺蠖尋條安前足進後足盡樹端更無所依止還

歸本處

大智度論卷六十六

難全

松柏之下其草不殖

左傳襄公二十九年

神龜知吉凶而骨直空枯日為德而君於天下辱於

三足之鳥月為刑而相佐見食於蝦蟆蝟辱於鵲騰

蛇之神而殆於卽且竹外有節理中直空虛松柏為

百木長而守門閭日辰不全故有孤虛黃金有疵白

玉有瑕事有所疾亦有所徐物有所拘亦有所據罔

論林人事

卷二十九 難全

十四

有所數亦有所疎。人有所貴亦有所不如。何可而適乎。物安可全乎。天尚不全。故世為屋不成。三瓦而陳之以應之天。史記龜策傳

明有所不見。聽有所不聞。人雖賢不能左畫方。右畫

圓。日月之明而時蔽於浮雲。羿名善射。不如雄渠。蠡

門。禹名為辯智。而不能勝鬼神。史記龜策傳

晝長則宵短。日南則景北。天且不堪兼。况以人該之。

後漢書張衡列傳

鳳闕伺晨之功。火無內照之美。梁書元帝紀

佼麗之苦窳也。而醜則堅牢。華璧之易以碎也。而金

鐵則難陶。甚矣物之不可以全也。如是。子華子大道

天地無全功。聖人無全能。萬物無全用。故天職生覆

地職形載。聖職教化。物職所宜。然則天有所短。地有

所長。聖有所否。物有所通。列子天瑞

目能視。手能操。目之與手。所任各異。故曰其異任也。

目自不能見于堅。不可以手代目之見。堅手自不能

知於白。亦不可以目代手之知。白故曰其無以代也。

公孫龍子堅白論註

以全舉人。固難物之情也。尺之木必有節目。寸之玉

必有瑕璣。先王知物之不可全也。故擇務而貴取一



也。呂氏春秋舉難

魯人有公孫淖者。告人曰：我能起死人。人問其故。對

曰：我固能治偏枯。今吾倍所以為偏枯之藥。則可以

起死人矣。物固有可以為小、不可以為大、可以為半

不可以為全者也。呂氏春秋別類

火燭一隅，則室偏無光；骨節蚤成，空竅哭。歷身必不

長。呂氏春秋士容

察一曲者不可與言，化審一時者不可與言。大日不

知夜，月不知晝，日月為明而弗能兼也。唯天地能函

之。淮南子繆稱訓

羽翼美者傷骨骸，枝葉美者害根莖。能兩美者天下

無之也。淮南子詮言訓

小謹者無成功，訾行者不容於眾。體大者節疏，蹠距

者舉遠。自古及今，五帝三王未有能全其行者也。淮南子

子汜論訓

月照天下，蝕於詹諸；騰蛇游霧，而殆於螂蛆；烏力勝

日而服於鶴禮，能有修短也。淮南子說林訓

衣成則必缺衽，宮成則必缺隅，屋成則必加措。示不

成者，大道然也。韓詩外傳

意不並銳，事不兩隆。盛於彼者必衰於此，長於左者

必短於右熹夜卧者不能蚤起也。

說苑談叢

子獨不聞和氏之璧乎。價重千金。然以之間紡。曾不

如瓦墼。隋侯之珠。國之寶也。然用之彈。曾不如泥丸。

騏驥駃騠。倚衡負軛而趨。一日千里。此至疾也。然使

捕鼠。曾不如百錢之狸。干將鑌鉞。拂鐘不錚。試物不

知。揚刃離金。斬羽契鐵斧。此至利也。然以之補履。曾

不如兩錢之錐。今子持楫乘扁舟。處廣水之中。當陽

侯之波。而臨淵流。適子所能耳。若誠與子東說。諸侯

王見一國之主。子之蒙蒙。無異夫未視之狗耳。

說苑雜言

太公田不足以償種。漁不足以償網。治天下有餘智。

文公種米。曾子駕羊。孫叔敖相楚三年。不知軛在衡

後。務大者固忘小。智伯厨人亾。奚選而知之。韓魏反

而不知。邯鄲子陽園人亾。桃而知之。其亾也。不知務

小者亦忘大也。

說苑雜言

夫尺有所短。寸有所長。驕驕駃騠。天下之俊馬也。使

之與狸。馳試於釜竈之間。其疾未必能過狸。馳也。黃

鵠白鶴。一舉千里。使之與燕。服翼試之堂廡之下。廬

室之間。其便未必能過燕。服翼也。碎閭巨闕。天下之

利器也。擊石不缺。刺石不銼。使之與管。橐決目出。眯

其便未必能過管。橐也。由此觀之。華髮墮顛。與邛何

以異哉。新序雜事五

噴以牙者童其角。擗以翼者兩其足。太玄經太玄規

稻穀千鍾。糠皮大半。閱錢滿億。穿决出萬。大羹必有

澹味。至寶必有瑕穢。大簡必有大好。良工必有不巧。

王充論衡自紀篇

明白之士。達動之機。而暗於玄慮。玄慮之人。識靜之

原。而困於速捷。猶火日外照。不能內見。金水內映。不

能外光。二者之義。蓋陰陽之別也。劉邵人物志九徵

夫體適於一方者。造餘塗則闕矣。王弼曰。形必有所

分。聲必有所屬。若温也。則不能凉。若宮也。則不能商。

張湛注列子天瑞

他人之所念慮。蚤虱之所首向。隔墻之朱紫。林下之

草芥。匣匱之書籍。地中之寶藏。豐林邃藪之鳥獸。重

淵洪潭之魚鼈。令周孔委曲其采色。分別其物名。經

列其多少。審實其有無。未必能盡知。抱朴子內篇辯問

騷裊能奮蘭筋。以絕景。而不能履冰。以乘深。猛虎能

似雷霆。以搏噬。而不能踊雲霧。以凌虛。鴻鷄不能振

翅於籠罩之中。輕鷗不能電擊於九筵之下。物既然

矣。人亦如之。故能調和陰陽者。未必能兼百行。修簡

書也。能敖五邁九者。不必能全小潔。經曲碎也。抱朴子外

天不能平其西北。地不能隆其東南。日月不能摛光於曲穴。衝風不能揚波於井底。擿齒則松檟不及一寸之筵。挑耳則棟梁不如鷦鷯之羽。彈鳥則千金不及丸泥之用。縫緝則長劍不及數分之針。何必伏巨象而捕鼠。制大鵬以司晨乎。抱朴子外篇備闕

尋飛繩景之足。而不能騁逸。放於呂梁。凌波泳淵之屬。而不能陟峻。而攀危。故離朱剖毫於百步。而不能辨八音之雅俗。子野合通靈之絕響。而不能指白黑於咫尺。抱朴子外篇博喻

衝飈傾山而不能効力於枝。毫火鑠金石而不能耀烈。以起溼。淮是以善戰守而拙理治之策。絳侯安社稷而乏承對之給。抱朴子外篇博喻

粗理不可浹。全能事不可畢。兼故懸象明而可蔽。山川滯而或移。金玉剛而可柔。堅冰密而可離。公旦不能與伯氏跟。絳於馮雲之峻。仲尼不能與呂梁較伎。於百仞之溪。抱朴子外篇廣譬

能走者奪其翼。善飛者減其指。有角者無上齒。豐後者無前足。蓋天道不使物有兼焉也。古人云多為少善。不如執一。鼯鼠五能。不成伎術。顏氏家訓省事

神明有所不及聖人有所不訓揚子法言注五百篇

人戴盆則不得望天望天則不得戴盆事不可兼施

言已方一心營職不假修人事也李善注文選司長子長報任少卿書

夫尺有所短寸有所長物有所不足智有所不明數

有所不逮神有所不通文選屈原卜居

目無常音之察耳無照影之神故在乎我者不誅之

於已存乎物者不求備於人文選陸機演連珠

鱗者無毛毛者無羽鯨者無牙角者無齒見於晝者

滅於夜得於前者失於後再便重利未之嘗有道德經指

歸卷十三

雞司夜狸執鼠日燭人此皆不能自全意林尸子

人多患遠見百步而不自知眉頰知眉頰者復不能

察百步也意林唐子

宋元君夜夢人披髮云予為清江使河泊之所漁者

豫且得子元君覺使人占之曰此神龜也君曰漁者

有豫且乎左右曰有明日豫且朝君曰漁何得對曰

旦之網得白龜圓五尺君曰獻若之龜龜至君再欲

殺再欲活心疑卜之曰殺龜以下吉乃剗龜七十鑽

而無遺筴仲尼曰神能夢於元君而不能避豫且之

網智能七十鑽無遺筴不能避剗腸之患是則智有

所困神有所不及。藝文類聚靈異部夢

盈虛之道雖修平而必破損益之由在至象而無獨

是以謂地之厚而東南缺唯天為大而西北懸。藝文類聚

雜文部

連珠授神契

天精為日地精為月天地至貴精不兩明。太平御覽天部三上

墨子曰甘瓜苦蒂天下物無全美也。埤雅卉物門瓜

俗之談者以為火外照無納影之能內鑒無朗闇之

功。初學記器用部火注

戴角者無上齒。何氏語林言語

猶如滿月盛光晝則不明。元陽妙經卷一

譬如大海其水一味多有諸寶亦有水精下價之珠

大方等大集經十八

如孔雀好青項鳥飛行不如野雁步。四阿含暮抄解藉五

孔雀雖有色嚴身不如鴻雁能遠飛。大智度論卷三

夫長左者必短右大前者必狹後孟公綽為趙魏老

則優不可以為勝薛大夫。弘明集牟子理惑論

難制

豕之性能水又唐突難禁制四蹄皆白曰駭則白蹄

其尤躁疾者今離其繒牧之處與眾豕涉入水之波

漣矣喻荆舒之人勇悍捷敏其君猶白蹄之豕也。鄭氏

箋詩漸  
漸之石

笥者捕魚之器弊敗之笥在於魚梁其魚乃是魴鰈

之大魚非弊敗之笥所能制毛詩正義敝笥

草之滋長引蔓則難可芟除喻段之威勢稍大難可

圖謀也春秋正義隱公元年

恐蛟龍得雲雨終非池中物也吳志周瑜傳

堅若得洛不可復制此為除狼而得虎也吳志孫堅傳注

隼質難羈狼心自野晉書慕容寶列傳

矢籠之鳥非羅所羈脫網之鯨豈罟所制晉書慕容容垂傳

蛟龍猛獸非可馴之物不如除之晉書符堅上紀

遂使衝鯨潰流暴鱗奔漢宋書武帝上本紀

猛獸安可出穴北齊書高祖十一王永安傳

駒駘野駿產自北域交頸相摩分背翹陸雖有孫陽

終不能服山海經海外北經圖讚

禽鹿長而見羈則赴蹈湯火文選范蔚宗皇后紀論注

其下注也若奔車失轡狂牛無縻廣文選崔子玉漢桂陽太守周府君

碑

譬如狂象之牙不可觸也大寶積經卷六十一

譬如大力狂象搪揆蹴蹋無能制者大智度論卷一

但衆生心性譬若獼猴戲跳攀緣歡娛奔逸法苑珠林卷八

十四

上必辨善惡其酬報如翅翅舉終始效本教外卷

言吸火火五五舉舉效效如如燭燭照照論論論論論論

言吸五五舉舉不不不不不不不不不不不不不不不不

長不長不長不長不長不長不長不長不長不長不長不長

言吸五五舉舉不不不不不不不不不不不不不不不不

言吸五五舉舉不不不不不不不不不不不不不不不不

言吸五五舉舉不不不不不不不不不不不不不不不不

言吸五五舉舉不不不不不不不不不不不不不不不不

言吸五五舉舉不不不不不不不不不不不不不不不不

喻林卷二十九 終



